



御選唐宋詩醇卷之四十三

山陰陸游詩二

目錄

十月十九日與客飲忽記去年此時自錦屏歸山

南道中小獵今又將去此矣

長門怨

斷碑歎十一日

蜀酒歌

醉後草書歌詩戲作

卷四十三

十二月初一日得梅一枝絕奇戲作長句今年於

是四賦此花矣

十二月十一日視築隄

游修覺寺

塞上曲

苦筍

月下作

過大蓬嶺度繩橋至杜秀才山莊

東湖新竹



夏日湖上

蘇軾詩太古畫英惠王第

同何元立賞荷花追懷鏡湖舊遊

怡齋題

龍湫歌

潛跡滄萬里餘韻駭高躋

蒸暑思梁州述懷

古意

寓驛舍

吳道子風神共簡未細空

題宇文子友所藏薛公鶴

晨至湖上

卷四十三

二

聽琴

龍眠畫馬

山中得長句戲呈周輔并簡朱縣丞

長歌行

遊三井觀

臨別成都帳飲萬里橋贈譚德稱

丈人觀

儲福觀

離堆伏龍祠觀孫太古畫英惠王像

登灌口廟東大樓觀嶓江雪山

平羌道中望峩眉山慨然有作

次韻何元立都曹贈行

初到榮州

醉中懷眉山舊遊

齋中夜坐有感

晚登橫溪閣

高齋小飲戲作

太液黃鵠歌

卷四十三

夜聞浣花江聲甚壯

謁諸葛丞相廟

醉中長歌

春感

花時遍遊諸家園

題明皇幸蜀圖

春殘

對酒

遊圓覺乾明祥符三院至暮

食齋

幽居晚興

書歎

月下醉題

銅壺閣望月

夜宴卽席作

芳華樓夜宴

歲晚

數日寒頓減頗有春意感懷賦短歌

卷四十三

四

梅花

萬里橋江上習射

出塞曲

偶過浣花感舊遊戲作

樓上醉書

初春出遊

張園海棠

登劔南西川門感懷

眉州作

江樓

訪楊先輩不遇因至石室

感秋

白鶴館夜坐

南津勝因院亭子

書寓舍壁

卷四十三

五

御選唐宋詩醇卷之四十三

嶺南山陰陸游詩二

十月十九日與客飲忽記去年此時自錦屏歸山

南道中小獵今又將去此矣

去年縱獵韓壇側。玉鞭自探南山雪。今年痛飲蜀江邊。金盃卻吸峩眉月。竹枝歌舞新教成。淒怨傳得三巴聲。城頭築觀出雲雨。峩眉正與闌干平。酒酣詩就擲盃去。醉蹋玻璃江上路。懸知幽磴斷橋邊。已有梅花開半樹。

寒風長門怨

卷四十三

一

寒風號有聲。寒日慘無暉。空房不敢恨。但懷歲莫悲。今年選後宮。連娟千蛾眉。早知獲譴速。悔不承恩遲。聲當徹九天。淚當達九泉。死猶復見思。生當長棄捐。

忠厚悱惻深於言怨

去全斷碑歎

原註興元姚節度園以折碑爲石筍文猶可識蓋梁蕭懿墓碑簡文爲太子時撰書

法道美可愛

小蘇令文淵注批矣

二蕭同起南蘭陵。正如文叔與伯升。至今人悲大蕭死。齋恨不見梁家興。崇崇之陵久爲谷。豈惟羣盜分珠玉。斷碑槎牙棄道邊。文字班班猶可讀。剝剝苔蘚一悽然。

天懷詩
尺民圖
書館藏
刻印

俯仰人間幾變遷。世人作碑君勿哂。千載園林須石筍。簡峭

蜀酒歌

漢州鷺黃鸞鳳雛。不鷺不搏德。有餘眉州玻瓈天馬駒。出門已無萬里塗。病夫少年夢清都會賜虛皇碧琳腴。文德殿門晨奏書。歸局黃封羅百壺。十年流落狂不除。徧走人間尋酒壚。青絲玉瓶到處酤。鷺黃玻瓈一滴無。安得豪士致連車。倒瓶不用盃。與孟琵琶如雷聒坐隅。不愁渴死老相如。

卷四十三

二

醉後草書歌詩戲作

朱樓矯首隘八荒。綠酒一舉累百觴。洗我堆阜崢嶸之胸。次寫爲淋漓。放縱之詞章。墨翻初若鬼神怒。字瘦忽作蛟螭僵。寶刀出匣揮雪刃。大舸破浪馳風檣。紙窮擲筆霹靂響。婦女驚走兒童藏。往時草檄喻西域。颯颯聲動中書堂。原註余嘗草丞相魯公以下與夏國主書於政事堂一收朝迹忽十載。西掠三巴窮夜郎。山川荒絕風俗異。賴有美酒猶能狂。醉中自脫頭上幘。綠髮未許侵微霜。人生得喪良細事。孰謂老大多悲傷。

醉墨淋漓暢然滿志忽移商調淒焉改色矣柴升所謂
浸淫奔放於詞翰之中以遂其放浪蕭散不溺不淄之
槩者取諸此也

十二月朔一日得梅一枝絕奇戲作長句今年於
是四賦此花矣

高標已壓萬花羣尙恐嬌春習氣存月兔擣霜供換骨
湘娥鼓瑟爲招魂孤城小驛初飛雪斷角殘鐘半掩門
盡意端相終有恨夜寒被玉倩誰溫
梅花詩最爲難工中四語頗有逸致

卷四十三

三

十二月十一日視築隄

江水來自蠻夷中五月六月聲摩空巨魚穹龜牙鬚雄
欲取闔市爲龍宮橫隄百丈臥霽虹始誰築此東平公
今年樂哉適歲豐吏不相倚勇赴功西山大竹織萬籠
船舸載石來無窮橫陳屹立相疊重置力尤在水廟東
我登高原相其衝一盾可受百箭攻蜿蜿其長高隆隆
截如長城限羌戎安得椽筆記始終插江石崖堅可礮

游修覺寺

上盡蒼崖百級梯詩囊香椀手親攜山從飛鳥行邊出

天向平蕪盡處低。花落忽驚春事晚。樓高剩覺客魂迷。
興闌埽榻禪房臥。清夢還應到剡溪。

潘問奇曰第三句真登臨妙語

祖應世曰曲江有一水雲際飛之句竟陵評云若入
俗手定作一雲水際飛矣此領聯若作鳥從山邊出
更有何味

塞上曲

三尺鐵如意。一枝玉馬鞭。笑把出門去。萬里行無前。當
道何崔嵬。云是玉門關。方當置屯守。征人何時還。馬色
如雜花。鎧光若流水。肅肅不敢譁。遙望但塵起。日落戍
火青。煙重塞垣紫。回首五湖秋。西風開芙蓉。

蟠奇氣於簡古。著鮮華於老健。不徒作悲涼語。氣體絕
似太白。

苦筍

藜藿盤中忽眼明。駢頭脫襖白玉嬰。極知耿介種性別。
苦節乃與生俱生。我見魏徵殊媚嫵。約束兒童勿多取。
人才自古要養成。放使干霄戰風雨。

周密曰世傳涪翁喜苦筍嘗從斌老乞苦筍詩云南

園苦筍味勝肉籜龍稱冤莫採錄煩君更致蒼玉束
明日風雨吹成竹嘗賦苦筍云苦而有味如忠諫之
可活國放翁又從而獎之云我見魏徵殊媚嫵約束
兒童勿多取於是世以諫筍目之殊不知翁嘗自跋
云余生長江南里人喜食苦筍試取而嘗之氣苦不
可於鼻味苦不可於口故嘗屏之未始爲客一設及
來黔中黔人各掘苦筍萌於土中才一寸許味如蜜
蔗初春則不食惟熨道人食苦筍四寸餘曰出土尺
餘味猶甘苦相半以此觀之涪翁所食乃取其甘非

卷四十三

五

貴於苦也

月下作

畏暑不巾襪步月搯短筇。瘦身髮鬢髻。顧影如孤松。徑
幽螢開闔池漲。魚噉喁飛泉穿北垣。珠玉相撞春。東湖
更奇絕。百畝銀初鎔。但能抱琴往。絕恨欠鶴從。重露傾
荷盤。微風墮芙蓉。歡言美清夜。縹緲吹疎鐘。空中飛仙
人。粲然冰雪容。笑我老塵世。不記瑤臺逢。

清麗寄意處妙無迹相

過大蓬嶺度繩橋至杜秀才山莊

度。笮。臨。千。仞。梯。山。躡。半。空。溼。雲。朝。暮。雨。陰。壑。古。今。風。亭。
觀。參。差。見。闌。干。詰。曲。通。柳。空。叢。篠。出。松。偃。翠。蘿。蒙。負。籠。
銀。釵。女。鉏。菑。鶴。髮。翁。何。由。有。餘。俸。小。築。此。山。中。

東湖新竹

插。棘。編。籬。謹。護。持。養。成。寒。碧。映。淪。漪。清。風。掠。地。秋。先。到。
赤。日。行。天。午。不。知。解。籜。時。聞。聲。簌。簌。放。梢。初。見。葉。離。離。
官。閒。我。欲。頻。來。此。枕。簟。仍。教。到。處。隨。

集中詩類此者頗多往往膾炙人口然領聯不過斷句
工巧作者佳處殊不在此今擇其華淨少累者存之以
備一體其有句無篇者汰之若矜尙字句之巧以爲得
放翁家法所謂微之之識砭砭耳

夏日湖上

烏帽筇枝散客愁不妨胥吏雜沙鷗迎風枕簟平欺暑
近水簾櫳探借秋茶竈遠從林下見釣筒常向月中收
江湖四十餘年夢豈信人間有蜀州

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾人似玉
月色泠泠透湘竹三更畫船穿藕花花爲四壁船爲家

不須更踏花底藕。但嗅花香已無酒。花深不見畫船行。
天風空吹白紵聲。雙漿歸來弄湖水。往往湖邊人已起。
卽今憔悴不堪論。賴有何郎共此尊。紅綠疎疎君勿歎。
漢嘉去歲無荷看。

怡齋

東湖仲夏草樹荒。屋古無人亭午涼。萱房微呀不見日。
筍籜自解時吹香。野藤蟠屈入窗罅。溼菌扶疎生屋梁。
跨溝數椽最幽翳。漲水及檻雨敗牆。靜涵青蘋舞藻荇。
閒立白鷺浮鴛鴦。芙渠雖瘦亦瀾漫。照眼翠蓋遮紅妝。
水紋枕簟欲卷卻團團。素扇嬾復將。天風忽送墻鈴語。
喚覺清夢遊瀟湘。

龍湫歌

環湫巨木老不花。淵淪千尺龍所家。爪痕入木欲數寸。
觀者心掉不敢譁。去年大旱縣千里。禾不立苗麥垂死。
林神社鬼無柰何。老龍欠伸徐一起。隆隆之雷浩浩風。
倒卷江水傾虛空。鱗間出火作飛電。金蛇夜掣層雲中。
明朝父老來賽雨。大巫吹簫小巫舞。祠門人散月娟娟。
龍歸抱珠湫底眠。

須臾慰滿三農望。歛卻神功寂若無。此詩亦有其意。

蒸暑思梁州述懷

宣和之末予始生。遭亂不及遊司并。從軍梁州亦少慰。
土脈深厚。泉流清季。秋嶺谷浩積雪。二月草木初抽萌。
夏中高涼最可喜。不省舉手驅蟲蟲。藏冰一出賣滿市。
玉璞堆積寒崢嶸。柳陰夜臥千駟馬。沙上露宿連營兵。
胡笳吹墮漾水。月烽燧傳到山南城。最思出甲戍秦隴。
戈戟徹夜相摩聲。兩年劔南走塵土。肺熱煩促無時平。
荒池昏夜蛙閣閣。食案白日蠅營營。何時王師自天下。
雷雨瀕洞收機槍。老生衰病畏暑溼。思卜鄂杜開紫荆。

卷四十三

八

古意

緝足飼飢鷹。鷹飽意未平。伏櫪豈不安。老驥終悲鳴。土
生固欲達。又懼徒富貴。素願有未伸。五鼎澹無味。茅屋
秋雨漏。稻陂春水深。長歌傾濁酒。舉世不知心。

身分極高語亦落落入古

寓驛舍

原註予三至成都皆館於是

閒坊古驛掩朱扉。又憩空堂綻客衣。九萬里中鯤自化。
一千年外鶴仍歸。繞庭數竹饒新筍。解帶量松長舊圍。

惟有壁間詩句在暗塵殘墨兩依依

題字文子友所藏薛公鶴

仙人騏驥絕世稀。卵生凡禽似而非。宮保妙筆窮化機。
縞衣元裳眞令威。千年華表聊一歸。回首幸脫乘軒譏。
喙吞不恨菽米微。從吾曹遊安得肥。

晨至湖上

園古逢秋好身閒與嬾宜。空堂賞疎豁重閣望參差。竹
粉有新意松風含古姿。低回慙祿米官事少於詩。

聽琴

卷四十三

九

疎簾曲檻蘋風涼。細腰美人藕絲裳。綠藤水紋穿矮牀。
玉指纖纖彈履霜。高林鶯囀日正長。幽澗泉鳴夜未央。
哀思不怨和而莊。有齊淑女禮自防。世人但惑青樓倡。
琵琶箜篌雜胡羌。試聽一曲醒汝狂。文姬指法傳中郎。
於韓歐蘇黃諸家外。自樹一幟泠泠清音欲滿人耳視。
諸子正未肯作邾莒。

龍眠畫馬

國家一從失西陲。年年買馬西南夷。瘴鄉所產非權奇。
邊頭歲入幾番皮。崔嵬瘦骨帶火印。離立欲不禁風吹。

困人太僕空列位。龍媒汗血來何時。李公太平官京師。
立仗慣見渥洼姿。斷縑歲久墨色暗。逸氣尚若不可羈。
賞奇好古自一癖。感事憂國空餘悲。嗚呼安得毛骨若。
此三千匹銜枚夜度桑乾磧。

文集跋韓幹馬大駕南幸將十八年秦兵洮馬不復
可見志士所共歎也。觀此畫使人作關輔河渭之夢
殆欲賈涕矣。

山中得長句戲呈周輔并簡朱縣丞

鶴鳴山空無鶴來。青霞嶂深天壁開。千巖角逐互吞吐。

卷四十三

一峰拔起矜崔嵬。日光微漏潭見底。

原註青霞嶂碧玉潭皆霧中佳處

水氣上薄雲成堆。幽禽飛鳴報客至。奇樹璀璨知誰栽。

花藤怪蔓白晝暗。犴猿落狖無時哀。路窮尚躡一千級。

忽見密竹藏樓臺。共言神僧昔住此。至今光景如天台。

搯筇負笠出復沒。喜動婦人驚提孩。高人何至作狡獪。

無乃翫世聊相談。不然學道窮實際。詎捨正大崇奇瓌。

儒林丈人學擅世。餘事尚壓蔡與崔。名山未死可再到。

此士一失難重陪。贊府摘山事如織。擺撥領客何奇哉。

境幽神槍不可住。歸倩玉手傳金杯。

原註朱君有侍兒許爲客出

唐書劉建鋒傳高郁教馬殷教民得自摘山收茗算
募高戶置邸閣居茗

長歌行

人生不作安期生。醉入東海騎長鯨。猶當出作李西平。
手梟逆賊清舊京。金印煌煌未入手。白髮種種來無情。
成都古寺臥秋晚。落日偏傍僧窗明。豈其馬上破賊手。
哦詩長作寒螿鳴。興來買盡市橋酒。大車磊落堆長餅。
哀絲豪竹助劇飲。如鉅野受黃河傾。平時一滴不入口。
意氣頓使千人驚。國讐未報壯士老。匣中寶劍夜有聲。

卷四十三

十一

何當凱還宴將士。三更雪壓飛狐城。

遊三井觀

三井久知名。暇日偶一訪。棟宇壞欲盡。基址尙閱壯。畫
牆皆國工。煙雲儼天仗。旌旄亞戈戟。佩玉雜弓韋。太古
實傑作。筆落九天上。吳生名擅世。睨未肯讓規。模遠
有考。意象豪不。放最奇。老癯仙骨立。神愈王石恪。雖少
怪。用筆亦跌宕。兩姝澹蛾眉。非復火食狀。塵埃久侵蝕。
風雨無蓋障。好事未易逢。寧能久。亡恙雍洛劫。火餘妙
迹。盡凋喪。斯遊恐難繼。佇立增悄愴。

因畫生慨妙得子美家法筆力樸堅亦復相近

臨別成都帳飲萬里橋贈譚德稱

成都城南萬里橋。蘆根蘋末風蕭蕭。映花碾草鈿車小。
駐坡驀澗青驄驕。入門翠徑絕窈窕。臨水飛觀何岿峩。
判無功名著不朽。惟仗詩酒寬亡聊。迎霜早已足雉兔。
微冷便欲思狐貂。喜看縷膾映盤箸。恨欠斂蟹加橙椒。
坐中譚侯天下士。龍馬毛骨矜超遙。烏犀白紵謫僊樣。
但可邂逅不可招。今年一戰馘餘子。風送六翮凌青霄。
美人再拜乞利市。醉墨飛落生鮫綃。我衰於世百無用。
十年不趁含元朝。華纓肯傍蕭颯髻。寶帶那束龍鍾腰。
祝君好去事明主。日望分喜來漁樵。遊談引類亦細事。
寄酒且解相如消。

丈人觀

黃金篆書扁朱門。夾道巨竹屯蒼雲。崖嶺劃若天地分。
千柱耽耽壓其垠。纓冠肅謁丈人君。廣殿空庭吹寶熏。
摩挲畫橋手爲斲。異哉山夔與土獷。物怪鬻鬻冠邱墳。
仙人佩玉雜悅怱。手整貂冠最不羣。欲去不忍恨日曛。
道翁采藥晝夜勤。松根茯苓獲兼斤。人之植立彊骨筋。

枸杞羣吠聲狺狺。山爐小甌吹幽芬。朱顏不飲常自醺。
我亦宿誦五千文。一念之差隨世紛。逝將從翁走如糜。
隱書秘訣何由聞。
硬語排冝自見安帖。

本集七律自註丈人觀孫太古畫范長生作舉手整

貂蟬像神氣尤奇逸

儲福觀

原註唐玉真公
主修真之地

路轉屏風疊。雲藏帝子家。窮幽行犖确。息倦倚槎牙。絲
繭封茶樹。清霜折藥花。世無句漏令。誰此養丹砂。

卷四十三

三

不少新色亦逼唐調

離堆伏龍祠觀孫太古畫英惠王像

岷山導江書禹貢。江流蹴山山爲動。嗚呼秦守信豪傑。
千年遺迹人猶誦。決江一支漑數州。至今禾黍連雲種。
孫翁下筆開生面。岌業高冠摩屋棟。徙木遺風雖峭刻。
取材尙足當世用。寥寥後世豈乏人。尺寸未施讒已眾。
要官無責空賦祿。軒蓋傳呼眞一闕。奇勳偉績曠世無。
仁人志士臨風慟。我游故祠九頓首。夜遇神君了非夢。
披雲激電從天來。赤手騎馱不施鞿。

以騷人之才發志士之感獨立蒼茫自詠詩正使生平
蘊結藉此一據

登灌口廟東大樓觀岷江雪山

我生不識柏梁建章之宮殿安得峩冠侍遊宴又不及
身在滎陽京索間擐甲橫戈夜酣戰胸中迫隘思遠遊
沂江來倚岷山樓千年雪嶺闌邊出萬里雲濤坐上浮
禹迹茫茫始江漢疏鑿功當九州半丈夫生世要如此
齋志空死能無歎白髮蕭條吹北風手持卮酒酌江中
姓名未死終磊磊要與此江東注海

卷四十三

西

平羌道中望峩眉山慨然有作

白雲如玉城翠嶺出其上異境忽墮前心目久蕩漾別
來二百日突兀喜無恙飛僊遙舉手喚我一稅鞅此行
豈或使屏迹事幽曠何必故山歸更破萬里浪

王士正曰九盤山臨青衣江遙望大峩秀出天半雲
嵐萬狀積雪晶然中峩如偃僂少峩如拱揖北來諸
山蜿蜒起伏爭趨峩下放翁詩白雲如玉城翠嶺出
其上異境忽墮前心目久蕩漾身未到此不知語意
之工

次韻何元立都曹贈行

原註元立用陳後山送蘇公詩韻

嘉榮東西川。此別不爲遠。徘徊凌雲守。決去未遽忍。登高望故人。煙樹參差見。懸知今日夢。不隔重城鍵。平生相從意。百年有未滿。結巢青城雲。期子在歲晚。

澄澹入古

初到榮州

亂山缺處城樓呀。雙旗蕭蕭晚吹笳。煙深綠桂臨絕壑。霜落殘瀨鳴寒沙。廢臺已無隱士嘯。遺宅尙有高人家。鈴齋下榻約僧話。松陰枕石放吏衙。盃羹最珍慈竹筍。

卷四十三

五

餅水自養山薑花。地爐堆獸爇石炭。瓦鼎號蚓煎秋茶。少年遠遊無百里。一飢能使行天涯。豈惟慣見蓬婆雪。直恐遂泛星河槎。故巢肯作兒女戀。異境會向鄉閭誇。一盃徑醉幘自墮。燈下髮影看鬢髮。

醉中懷眉山舊遊

勁酒少和氣。哀歌無歡情。故鄉不敢思。登高望錦城。錦城那得去。髣髴頤路遙。知尊前人指。我題詩處我雖流。落夜郎天。遇酒能狂似少年。想見東郊攜手日。海棠如雪柳飛絲。

原註漢嘉術者袁牧童謂子明年春分後當還西州

如瓶瀉水如珠走盤想見酒閒揮灑之樂

白齋中夜坐有感

荒山爲城溪作壕風鼓巨木聲翻濤鳴臬乘屋彈不去
狐狸欺人怒豎毛雨來紅鶴更可惡爭巢一似嬰兒號
城孤屋老草木茂正坐人少此輩豪急呼五百具畚鍤
欲掀窟穴窮腥臊忽然語罷卻自笑殘年何至與汝鑿
浣花江色綠如黛春波濺濺浮輕舸行當繫纜柳陰下
仰聽鶯語傾香醪

晚登橫溪閣

卷四十三

末

樓鼓聲中日又斜憑高愈覺在天涯空桑客土生秋草
野渡虛舟集晚鴉瘴霧不開連六詔俚歌相答帶三巴
故鄉可望應添淚莫恨雲山萬疊遮

淒其欲絕哀厲彌長被之歌喉可以繞梁三日

高齋小飲戲作

梅花又發鬼門關坐覺春風萬里寬荔子陰中時縱酒
竹枝聲裏強追歡丁年漢使殊方老子夜吳歌昨夢殘
白帝夜郎俱不惡兩公補處得憑欄

原註子五年
間自夔客榮

太液黃鵠歌

有引

漢始元元年春二月黃鵠下建章宮太液池中公卿
上壽賜諸侯王列侯宗室金錢子夜讀漢書追作歌
一首

建章宮裏春風寒太液水生池面寬中人馳奏黃鵠下
龍旗豹尾臨池看芹香藻暖鵠得意左右從官呼萬歲
須臾傳詔宴公卿歡聲如雷動天地時平宮省遊樂多
黃鵠刷羽涵恩波小臣珥筆龍墀下願繼前朝天馬歌
託興深遠承靈威兮障外國猶是夜渡桑乾之意

夜聞浣花江聲甚壯

卷四十三

七

浣花之東當笮橋犇牛鬪橋橋爲搖分洪初疑兩蛟舞
觸石散作千珠跳壯聲每挾雷雨橫巨勢潛借龍鼉驕
夢回聞之坐太息鐵衣何日東征遠銜枚度磧沙颯颯
槩槩斷隴風蕭蕭不然投檄徑歸去短篷臥聽錢塘潮

謁諸葛丞相廟

原註彌牟
入陣原上

漢終四百天所命老賊方持太阿柄區區梁益豈足支
不忍安坐觀異姓遺民亦知王室在閏位那干天統正
公雖已沒有神靈猶假賊手誅鍾鄧前年我過沔陽祠
再拜奠俎衰淚迸潔齋請作送迎詩精忠大義神其聽

能道孔明心事辭意警絕善於包舉

醉中長歌

闌干斗柄搖天東。人間一夜回春風。注桃染柳歲相似。惟我衰顏非昔紅。可憐逢春不自感。更欲使氣驚兒童。煙郊射雉錦臆碎。水亭供膾金盤空。歸穿南市萬人看。流星突過連錢驄。高樓作歌醉自寫。墨光燭焰交長虹。人生未死貴適意。萬里作客原非窮。故人夜直金鑾殿。偃臥獨聽宮門鐘。

春感

卷四十三

六

少時狂走西復東。銀鞍駿馬馳如風。眼看春去不復惜。只道歲月來無窮。初遊漢中亦未覺。一飲尙可傾千鐘。叉魚狼藉漾水濁。獵虎蹴踡南山空。射堋命中萬人看。毬門對植雙旗紅。華堂卻來弄筆硯。新詩醉草誇坐中。劒關南山纔幾日。壯氣推縮成衰翁。雪霜蕭颯已滿鬢。蛟龍鬱屈空蟠胸。鄰園杏花忽爛熳。推枕彊起隨遊蜂。遠看百匝幾嘆息。吹紅洗綠行怱怱。莫年逢春尙有幾。常恐春去尋無蹤。青銅三百尙可辦。且判爛醉酤郵筒。

花時遍遊諸家園

宣華無樹著。嘵鶯惟有摩訶春。水生故老能言當日事。
直將宮錦裹宮城。

於海棠萬荒淫之警獨有深味

題明皇幸蜀圖

天寶政事何披猖。使典相國胡奴王。弄權楊李不足怪。

阿瞞手自裂。紀綱八姨富貴尙有理。何至詔書褻五郎。

原註天寶末下詔
雪張易之兄弟

盧龍賊騎已洶洶。丹鳳神語猶琅琅。

人知大勢危。纍卵天稔奇。旤如崩牆臺省諸公獨耐事。

歌詠功德卑。虞唐一朝殺氣橫。天末疋馬西奔幾不脫。

卷四十三

九

向來諂子知幾人。賊前稱臣草間活。劍南萬里望秦天。
行殿春寒聞杜鵑。老臣九齡不可作。魚蠹蛛絲金鑑篇。
筆墨老橫有如高牙大纛。堂堂正正摧堅而折銳。一結
尤得立言之旨。

春殘

石鏡山前送落暉。春殘回首倍依依。時平壯士無功老。
鄉遠征人有夢歸。苜蓿苗侵官道合。蕪菁花入麥畦稀。
倦遊自笑摧頽甚。誰記飛鷹醉打圍。

盧世淮曰項聯有髀肉復生之慨

對酒

閒愁如飛雪。入酒卽消融。好花如故人。一笑盃自空。流鶯有情亦念我。柳邊盡日唳春風。長安不到十四載。酒徒往往成衰翁。九環寶帶光照地。不如畱君雙頰紅。

遊圓覺乾明祥符三院至暮

成都再見春事殘。雖名閒官實不閒。門前車馬鬧如市。案上文檄高於山。有時投罇輒徑出。略似齊客偷秦關。日斜僕夫已整駕。顧景欲駐愁嘲訕。豈知今朝有此樂。放浪一笑開衰顏。抽身黃塵烏帽底。得意翠木清泉閒。褰裳危磴窮犖确。洗耳古磻聽淙潺。豈惟頓覺宇宙廣。政爾一散腰脚頑。似聞青城縹緲處。待我歸綴仙官班。俊鷹解條卽萬里。豈比倦翼方知還。

食齋

小著鹽醯助滋味。微加薑桂發精神。風鑪歛鉢窮家活。妙訣何曾肯授人。

小有風致

幽居晚興

借鉏斲藥喜微香。汲井澆花趁晚涼。胸次何曾橫一物。

尊前尚欲笑。千場錦江秋雨芙蓉老。笠澤春風杜若芳。
歸去自佳。畱亦樂。夢中何處是吾鄉。其音未燭。丑。丑。丑。
行雲流水之趣。眼前語頗能道出。世俗趨之。對人面。其

書歎

三代藏寶器。世守參河圖。埋湮則已矣。可使列市區。文
章有廢興。蓋與治亂符。慶歷嘉祐閒。和氣扇大鑪。數公
實主盟。渾灝配典謨。開闢始歐王。舊畬逮曾蘇。大駕初
渡江。中原皆避胡。吾猶及故老。清夜陪坐隅。論文有脈
絡。千古著不誣。俯仰四十年。綠髮霜蓬枯。孤生尊所聞。

卷四十三

三

秉節不敢渝。久幽士固有。速售理則無。世方亂。珉玉吾
其老。江湖

文章與時隆。汗自古而然後生。小子備規矩而改錯。豈
知老成之有淵源耶。太白歎大雅久不作。少陵云文章
千古事。高情遠識可以並讀。

文集答邢司戶書近時頗有不利場屋者。退而組織
古語剽裂奇字。大書深刻。以眩世俗。讀之使人面熱。
此等果可言文章乎。如唐韓氏柳氏吾宋歐氏王氏
蘇氏以文章擅天下者。徒以在場屋時苦心耗力。凡

陳言淺說之可病者已知厭棄如都市之玉工珉玉
雜治積日既久望而識之矣一旦取荆山之璞以爲
黃琮蒼璧萬乘之寶珉豈可復欺耶凡今不利場屋
而名古之文者往往未嘗識珉者也又安知玉哉

月下醉題

黃鵠飛鳴未免飢。此身自笑欲何之。閉門種菜英雄老。
彈鋏思魚富貴遲。生擬入山隨李廣。死當穿塚近要離。
一樽強醉南樓月。感慨長吟恐過悲。

盧世淮曰三四自是壯語

卷四十三

三

銅壺閣望月

銅壺閣上看明月。身在千尋白銀闕。十年肺渴今夕平。
皓然胸次堆冰雪。恨無仙掌出雲表。更取墜露和玉屑。
夜闌三嘆下危梯。明日人間火雲熱。

夜宴卽席作

宣華輦路牧牛羊。摩訶龍池草茫茫。宮殿犁盡餘繚牆。
南風遠吹禾黍香。草閒白骨橫秋霜。何由喚起醺一觴。
癡人走死聲利場。我獨感此惜流光。蘋花開時風榭涼。
美人縹緲如鸞翔。堯年舜日樂未央。非子之故爲誰狂。

芳華樓夜宴

射虎將軍老不侯，尚能豪縱醉江樓。
笙歌雜沓娛清夜，風露高寒接素秋。
少日壯心輕玉塞，暮年幽夢墮滄洲。
人閒清絕沅湘路，常笑靈均作許愁。

歲晚

歲晚城隅車馬稀，偷閒聊得掩荆扉。
征蓬滿野風霜苦，多稼連雲雁鷺肥。
報國有心空自信，結茅無地竟安歸。
浣花道上人誰識，華表千年老令威。

領聯真風人語，歎惋無盡妙有含蓄。

卷四十三

三

數日寒頓減，頗有春意感懷賦短歌。

微陰寒不力，破臘春暗動。
林梢報梅白，水際聞鳥啣。
羈鴻漸整翮，一一勞目送。
應憐飛蓬客，猶作浣花夢。
平生江淮閒，裘馬事豪縱。
豈知老畏死，齋鉢受蔬供。
忍饑每自笑，小飲未敢痛。
何以慰寂寥，臥聽壓春甕。

梅花

冰崖雪谷木未芽，造物破荒開此花。
神全形枯近有道，意壯色正知無衰。
高堅政要飽憂患，放棄何遽愁荒遐。
移根上苑亦過計，竹籬茅屋真吾家。
平生自嫌亦自許。

妙處可識不可誇。金尊翠杓未免俗。篝火爲試江南茶。
另開生面全是寓言。

萬里橋江上習射。坡隴如濤東北傾。胡牀看射及春晴。風和漸減雕弓力。
野迴遙聞羽箭聲。天上機槍端可落。草閒狐兔不須驚。
丈夫未死誰能料。一箭他年下百城。

出塞曲

佩刀一刺山爲開。壯士大呼城爲摧。三軍甲馬不知數。
但見動地銀山來。長戈逐虎祁連北。馬前曳來血丹臄。
卻回射雁鴨。綠江箭飛雁起連。雲黑清泉茂草下程時。
野帳牛酒爭淋漓。不學京都貴公子。唾壺塵尾事兒嬉。
偶過浣花感舊遊戲作

卷四十三

西

憶昔初爲錦城客。醉騎駿馬桃花色。玉人攜手上江樓。
一笑鉤簾賞微雪。寶釵換酒忽徑去。二日樓中香未滅。
市人不識呼酒仙。異事驚傳一城說。至今西壁餘小草。
過眼年光如電掣。正月錦江春水生。花枝缺處小舟橫。
閒坐胡牀吹玉笛。東風十里斷腸聲。

樓上醉書

丈夫不虛生。世間本意滅。虛收河山豈知躡。瞪不稱意。
八年梁益凋朱顏。三更撫枕忽大叫。夢中奪得松亭關。
中原機會嗟屢失。明日茵席留餘。潛益州官樓。酒如海。
我來解旗論日買。酒酣博簊爲歡娛。信手梟盧喝成采。
牛背爛爛電日光。狂殺自謂元非狂。故都九廟臣敢忘。
祖宗神靈在帝旁。
縱筆直書卻有沈鬱頓挫之妙。范成大贈游云。高興餘
飛動孤忠有照臨。非虛語也。

初春出遊

卷四十三

五

春風初來滿刀州。江水照人如潑油。犢車芳草南陌頭。
家家傾賞事。遊遊萬里橋。西繫黃驄爲君一登散花樓。
半年長齋廢觥籌。興來忽典千金裘。小桃婀娜弄芳柔。
紅蘭茁芽滿春洲。墟邊女兒不解愁。鬪草纔罷還藏鉤。
可憐世人自拘囚。盜中乾坤舞蜉蝣。百年苦短去日遒。
問君安用萬戶侯。

張園海棠

洛陽春信久不通。姚魏開落胡塵中。揚州千葉昔曾見。
已歎造化無餘功。西來始見海棠盛。成都第一推燕宮。

池臺埽除凡木盡。天地眩轉花光紅。慶雲墮空不飛去。
時有絳雪縈微風。蜂蝶成團出無路。我亦狂走迷西東。
此園低樹猶三丈。錦繡卻在青天上。不須更著刀尺裁。
乞與齊奴開步障。

不著凡語爲海棠生色。從來詠海棠者多矣。以此爲最。

登劔南西川門感懷

自古高樓傷客情。更堪萬里望吳京。故人不見莫雲合。
客子欲歸春水生。瘴癘連年須藥石。退藏無地著柴荆。
諸公勉畫平戎策。投老深思看太平。

卷四十三

美

盧世淮曰此首極似杜陵讀者自辨之

眉州作

扁舟久不泛。臺津常恐黃塵解。汚人爛醉破除。千日懣。

原註子不至狂吟判斷四州春。原註此行自成都歷汀

眉山三年矣洲漸歎蘋花老。風露初嘗荔子新。便欲騎鯨東海去。勝

遊未忍別峩岷。

江樓

急雨洗殘瘴。江邊閒倚樓。日依平野沒。水帶斷槎流。擣
紙荒村晚。呼牛古巷秋。腐儒憂國意。此際入搔頭。

隨意詠懷不覺近杜其由來深矣

訪楊先輩不遇因至石室

訪客客已去追涼成獨行衣冠嚴漢殿草木拱秦城古

盤蒼苔滑空庭落日明出門還憺恍列屋打碑聲

原註
牆東

卽石
經堂

感秋

西風繁杵擣征衣客子關情正此時萬事從初聊復爾
百年彊半欲何之畫堂蟋蟀怨清夜金井梧桐辭故枝
一枕淒涼眠不得呼燈起作感秋詩

卷四十三

七

王士正曰玉階蟋蟀鬧清夜四語小說載此爲蜀中

某驛卒女詩放翁見之納以爲妾爲夫人所逐又有

卜算子詞不合畫春山依舊畱愁住云云按劔南集

此詩乃放翁在蜀時所作本七律玉階作畫堂鬧作

怨後人稍竄易數字輒傳會或收入閨秀詩可笑也

白鶴館夜坐

竹聲風雨交松聲波濤翻我坐白鶴館燈青無語言廓
然心境寂一洗吏卒喧袖手哦新詩清寒愧雄渾屈宋
死千載誰能起九原中間李與杜獨招湘水魂自此競

摹寫幾人望其藩蘭。若看翡翠煙雨啼青猿。豈知雲海中九萬擊鵬鷗。更闌燈欲死。此意與誰論。

此與書歎一篇見此老識力亦後學良則所以爲南渡之冠

南津勝因院亭子

南江平無風。如鏡新拂拭。漁舟不點破。潏潏千頃碧。闌干西北角。雲散山爭出。坡陁競南走。翠入窗戶窄。江山不世情。作意娛此客。豈無尊中酒。豪飲非宿昔。明當還成都。塵土埋馬迹。後巖在眼中。飛去無羽翼。原註後巖在鳳皇山

卷四十三

美

後七八里山
水尤奇絕

書寓舍壁

天與癡頑不解愁。未埋病骨且閒遊。山於拄杖橫時看。路到芒屨破處休。初擬燒丹住南嶽。却因學劍客西州。秋風巾褐添蕭爽。又作臨邛十日留。

御選唐宋詩醇卷之四十四

山陰陸游詩三

目錄

西巖翠屏閣

雨中山行至松風亭忽澄霽

贈宋道人

獵罷夜飲示獨孤生

秋晚登城北門

莫秋

卷四十四

數日暄妍頗有春意予閒居無日不出遊戲作

江樓醉中作

曳策

謁漢昭烈惠陵及諸葛公祠宇

大雪歌

訪客至西郊

夜寒

故蜀別苑在成都西南十五六里梅至多有兩大樹夭矯若龍相傳謂之梅龍予初至蜀嘗爲作詩

自此歲常訪之今復賦一首丁酉十一月也

閒意

書雨

莫冬夜宴

謁石犀廟

江上散步尋梅偶得絕句

大醉梅花下走筆賦此

廣都江上作

道室夜意

卷四十四

城南王氏莊尋梅

遊諸葛武侯書臺

眉州披風榭拜東坡先生遺像

南定樓遇急雨

舟中對月

涪州道中

北巖

忠州禹廟

龍興寺弔少陵先生寓居

遊萬州岑公洞

萬州放船過下巖小雷

楚城

舟出下牢關

峽口夜坐

初到荊州

阻風

小雨極涼舟中熟睡至夕

岳陽樓

黃鶴樓

自雪堂登四望亭因歷訪蘇公遺迹至安國院

舟行蘄黃間雨霽得便風有感

長風沙

登賞心亭

將至京口

泝谿

冬夜聞雁有感

月夕

自雲門之陶山肩輿者失道行亂山中有茅舍小
塘極幽邃求見主人不可意其隱者也

園中雜書

池亭夜賦

雙清堂夜賦

橋南納涼

初秋夢故山覺而有作

別建安

紫谿驛

卷四十四

四

月巖

聞雁

春雨

南窗睡起

感舊絕句

夏日晝寢夢遊一院闐然無人簾影滿堂惟燕蹋

箏弦有聲覺而聞鐵鐸風響璆然殆所夢也邪因

得絕句

書懷絕句

雨後極涼料簡篋中舊書有感

秋夜

雨夜

豐城高安之閒憇民家景趣幽邃爲之慨然懷歸

寄奉新高令

予欲自巖買船下七里灘謁嚴光祠而歸會灘淺

陸行至桐廬始能泛江因得絕句

辛丑正月三日雪

雪霽歸湖上過千秋觀少留

卷四十四

五

題山家壁

憶昔

秋夜

九月三日泛舟湖中作

新寒

湖村月夕

橫塘

蔬圃

五雲門晚歸

夜汲井水煮茶

寄朱元晦提舉

乍晴風日已和泛舟至扶桑埭徘徊西村久之
攜甕尊醉梅花下

城西接待院後竹下作

幽居春夜

晨起

春遊

八月十四日夜湖山觀月

卷四十四

六

夜聞秋風感懷

草書歌

夜泊水村

自妙相歸將至杜浦堰舟中作

夜汲井水煮茶

寄朱元晦提舉

乍晴風日已和泛舟至扶桑埭徘徊西村久之

御選唐宋詩醇卷之四十四

山陰陸游詩三

西巖翠屏閣

把酒孤亭半日留。西巖獨擅鶴山秋。也知絕境終難賦。
且喜閒身得縱遊。鶻起危巢時磔磔。鹿鳴深澗暮呦呦。
人生適意方爲樂。甲第朱門祇自囚。

雨中山行至松風亭忽澄霽

煙雨千峯擁髻鬟。忽看青嶂白雲間。卷藏破墨營邱筆。

卷四十四

卻展將軍著色山

贈宋道人

我不如昔人騎鶴上九天。玉簡奏事虛皇前。平生膏養
氣麤全。兩脚馳走輕如煙。鳥道懸崖忽飛騫。戲擲短劍
聲鏗然。轉盼跳下千仞淵。已復取劍升層巔。騰猿俊鶻
爭後先。飢食松花掬飛泉。金骨綠髓漸凝堅。口哦七字
黃庭篇。西來欲訪挾彈僊。丹經劍訣更精研。嗟哉一失
五百年。作詩付子勿妄傳。

獵罷夜飲示獨孤生

白袍如雪寶刀橫。醉上銀鞍身更輕。帖草角鷹掀兔窟。
憑風羽箭作鳴。關河可使成南北。豪傑誰堪共死生。
欲疏萬言投魏闕。燈前攬筆涕先傾。
直從胸臆流出如聞撫髀之歎

秋晚登城北門

幅巾藜杖北城頭。卷地西風滿眼愁。一點烽傳散關信。
兩行雁帶杜陵秋。山河興廢俱搔首。身世安危入倚樓。
橫槊賦詩非復昔。夢魂猶繞古梁州。
神似少陵

莫秋

時序中年速。風霜客路長。孤愁巴月白。清夢楚山蒼。燈
暗秋銜壁。鐘疎夜殷牀。端居有微祿。不敢恨殊方。

數日暄妍頗有春意。予閒居無日不出遊。戲作

小春花蕾索春饒。已有暄風入紫貂。村路雨晴鳩婦喜。
射場草綠雉媒驕。苑邊結客飛金勒。樓上誰家弄玉簫。
莫怪夕陽歸獨後。早梅喚我度谿橋。

原註蜀宣華苑在摩訶池上

江樓醉中作

淋漓百榼宴江樓。秉燭揮毫氣尚遒。天上但聞星主酒。

人間寧有地理憂。生希李廣名。飛將死。慕劉伶。贈醉侯。
戲語佳人頻一笑。錦城已是六年留。原註退之詩云。越女一笑三年留。

曳策

原註遊房園作

慈竹蕭蕭拱廢臺。醉歸曳策一徘徊。紛紛落日牛羊下。
黯黯長空霰雪來。三峽猿催清淚落。兩京梅傍戰塵開。
客懷已是淒涼甚。更聽城頭畫角哀。

觸緒卽來自。是此翁忠悃與杜陵無二。賞其氣之蒼老。
謁漢昭烈惠陵及諸葛公祠宇

雨止風益豪。雪作雲不動。淒涼漢陵廟。衰草臥翁仲。畫

卷四十四

三

妓空笙竽。土馬闕羈鞅。壤沃黃犢耕。柏密幽鳥哢。尙想
忠武公。身任社稷重。整整渭上營。氣已無岐雍。少須天
意定。破賊盜患眾。興亡信有數。星隕事可痛。陵邊四五
家。茆竹居接棟。手輒紙上箔。原註居民皆以造紙爲業。醅熟酒鳴甕。
雖嗟生理微。亦足道飢凍。劉葛固雄傑。閱世均一夢。論
高常近迂。才大本難用。九原不可作。再拜臨風勸。

潘問奇曰。事未必然。聊爲孔明吐氣。

大雪歌

原註累日作雪竟不成。戲賦此篇。

長安城中三日雪。潼關道上行。人絕黃河鐵牛僵。不動。

承露金盤凍。將折虬鬚豪客。狐白裘。夜來醉眠寶釵樓。
五更未醒。已上馬衝雪。卻作南山遊。千年老虎獵不得。
一箭橫穿雪。皆赤拏空爭死。作雷吼。震動山林。裂崖石。
曳歸擁路。千人觀。髑髏作枕。皮蒙鞍。人間壯士。有如此。
胡不來歸漢天子。

一腔豪氣。千古奇文。覺希逸雪賦。直是兒女情多。風雲
氣少。

訪客至西郊

撼撼敗葉飛。黯黯寒雲低。村墟與市里。觸目一慘悽。今
日病體輕。駕言適城西。丹柿滿野店。青帘出江隄。獵騎
載雉兔。樵檐懸鷄雞。居人各自得。使我念故谿。故谿不
敢說。况復朝金閨。傷哉鬻雪翁。歲晚猶牧羝。下愚不自
還。大惑終身迷。君恩何由報。力耕愧黔黎。

夜寒

清夜焚香讀楚詞。寒侵貂褐歎吾衰。輕冰滿研風聲急。
忽記山陰夜雪時。

故蜀別苑在成都西南十五六里。梅至多有兩大
樹。天矯若龍。相傳謂之梅龍。子初至蜀。嘗爲作詩。

自此歲常訪之今復賦一首丁酉十一月也

昔年曾賦西郊梅茫茫去日如飛埃卽今衰病百事懶
陳迹未忘猶一來蜀王故苑犁已遍散落尚有干雪堆
朱樓玉殿一夢破煙蕪牧笛遺民哀兩龍臥穩不飛去
鱗甲脫落生莓苔精神最遇雪月見氣力苦戰冰霜開
羈臣放士耿獨立淑姬靜女知誰媒摧傷雖多意愈厲
直與天地爭春回蒼然老氣壓桃杏笑我白髮心尙孩
微風故爲作嫵媚一片吹入黃金壘

詩以言情賦物而情不至不足以爲詩羈臣放士耿獨

卷四十四

五

立淑姬靜女知誰媒蓋亦黯然自傷矣

閒意

柴門雖設不曾開爲怕人行損綠苔妍日漸催春意動
好風時捲市聲來學經妻問生疎字嘗酒兒斟澀盃
安得_小圖寬半畝黃梅綠李一時栽

書雨

仲冬候始寒丙夜天正黑雨來挾風助吼擊不遺力聲
如拔高山勢若伐強國初憂老柏折遂恐石筍踣乾坤
本無心百神各效職蛟龍鬪歲暮豪橫理莫測農功幸

已成龍怒亦會息。屋漏何足言。袖手姑默默。
信手拈來輒成奇。語中間接筆。尤爲健絕。

暮冬夜宴

官機錦茵金蹙鳳。舞娃釵墮雙鬟重。寶爐三尺香吐霧。
畫燭如椽。風不動。主人愛客情無已。箏聲未斷。歌聲起。
亦知百歲等朝露。便恐一歡成覆水。爐紅酒綠春爲回。
坐上梅花。連夜開。堂前咫尺異氣候。冰合平池。霜壓階。
妙於諷諭風人之遺。

謁石犀廟

卷四十四

六

間過石犀祠。登堂一歎歎。江回陵谷變。碑斷市朝非。
原注有王蜀時。修廟碑銘。荒圃連寒壠。斜陽映夕霏。興亡俱昨夢。惆悵
跨驢歸。

江上散步尋梅偶得絕句

小南門

原注萬里橋門
小南門

外野人家。短短疎籬。繒白沙紅。

稻不須鰲。鷓啄清霜。催放兩三花。

大醉梅花下走筆賦此

閉門坐歎息。不飲輒千日。忽然酒興生。一醉須一石。擔
頭花易老。旗亭酒常窄。出郊索一笑。放浪謝形役。把酒

梅花下。不覺日既夕。花香襲襟袂。歌聲上空碧。我亦落
烏巾。倚樹吹玉笛。人間奇事少。頗謂三勅敵。酒闌江月
上。珠樹挂寒壁。便疑從此僊。朝市長埽迹。醉歸亂一水。
頓與異境隔。終當騎梅龍。海上看春色。原註梅龍蓋蜀
苑中故物也

風流清興如在目前

廣都江上作

微波不搖江。纖雲不行天。我來倚杖立。天水相澄鮮。平
遠望不盡。日落自生煙。梅花耿獨立。雪樹明前川。好風
吹我衣。春色已粲然。東村聞酒美。買醉上漁船。

卷四十四

七

道室夜意

寒泉漱酒醒。午夜誦仙經。茶鼎聲號蚓。香盤火度螢。齋
心守元牝。閉目得黃寧。寄語山中友。因人送茯苓。

黃庭經何不食氣太和精。故能不死入黃寧。注卽黃
庭也。

城南王氏莊尋梅

涸池積槁葉。茆屋圍疎籬。可憐庭中梅。開盡無人知。寂
寞終自香。孤貞見幽姿。雪點滿綠苔。零落尙爾奇。我來
不須晴。微雨正相宜。臨風兩愁絕。日暮倚筇枝。

骨格不凡

遊諸葛武侯書臺

沔陽道中草離離。臥龍往矣空遺祠。當時典午稱猾賊。
氣喪不敢當王師。定軍山前寒食路。至今人祠丞相墓。
松風想像梁甫吟。尙憶幡然奮三顧。出師一表千載無。
遠比管樂蓋有餘。世上俗儒寧辨此。高臺當日讀何書。
警策語故不在多。

眉州披風榭拜東坡先生遺像

蜿蜒回顧山有情。平鋪十里江無聲。孕奇蓄秀當此地。

卷四十四

八

鬱然千載詩書城。高臺老仙誰所寫。仰視眉宇寒崢嶸。
百年醉魂吹不醒。飄飄風袖筇枝橫。爾來逢迎厭俗子。
龍章鳳姿我眼明。北扉南海均夢耳。謫墮本自白玉京。
惜哉畫史未造極。不作散髮騎長鯨。故鄉歸來要有日。
安得春江變酒從公傾。

南定樓遇急雨

行遍梁州到益州。今年又作度瀟遊。江山重複爭供眼。
風雨縱橫亂入樓。人語朱離逢峒獠。棹歌款乃下吳舟。
天涯住穩歸心嬾。登覽茫然卻欲愁。

屬對之妙神韻自然不可湊泊

舟中對月

百壺載酒遊凌雲。醉中揮袖別故人。依依向我不忍別。誰似峩峩半輪月。月窺船窗挂淒冷。欲到渝州酒初醒。江空裊裊釣絲風。人靜翩翩葛巾影。哦詩不睡月滿船。清寒入骨我欲仙。人間更漏不到處。時有沙禽背船去。

涪州道中

遠客喜歸路清遊。逾昔聞雨添山翠。重舟壓浪花分洛。叟經名世張侯勇冠軍。原註郡境有伊川先生故居及張翼德祠懷人不可

卷四十四

九

觀袖手對爐熏

北巖

原註有程正叔先生祠堂

艤船涪州岸。攜兒北巖遊。搖櫂橫大江。褰裳躡高樓。雨昏山半失。江漲地欲浮。老矣寧再來。爲作竟日畱。烏帽程丈人。閉戶本好修。駭機一朝發。議罪至竄投。黨禁久不解。胡塵暗神州。修怨以稔禍。哀哉誰始謀。小人無遠略。所懷在私讐。後來其鑑茲。賦詩識巖幽。

持論嚴正所見者大集中如此等作於君子小人之分判若黑白足以觀其所處矣

意中忠州禹廟

古郡巴蠻國。空山夏禹祠。鴉歸暗庭柏。巫拜薦江蘿。草蔓青緣壁。苔痕紫滿碑。欲歸頻悵望。回棹夕陽時。

雖非橘柚龍蛇之比。亦老氣無敵。

龍興寺弔少陵先生寓居

中原草草失承平。戍火胡塵到兩京。扈蹕老臣身萬里。

天寒來此聽江聲。

雙管齊下一寫兩枝

張完臣曰草草二字狀盡衰世景象謂之咏少陵可

卷四十四

十

謂之自咏亦可

遊萬州岑公洞

原註岑公隋時人居此二十年得道仙去

大業征遼發閩左。軍興書檄煎膏火。此時也復有閒人。自引巖泉拾山果。後六百歲吾來遊。洞中正夏淒如秋。乳石牀平可坐臥。水作珠簾月作鉤。十年神遊八極表。浮名坐覺秋豪小。試問岑公迎我不。鶴飛忽下青松杪。

萬州放船過下巖小雷

畫船四月滿旗風。飲散忽忽鷁首東。醉裏偏憐江水綠。意中已想荔枝紅。斷碑零落莓苔遍。幽澗淙潺略彳通。

一疋寧無好東絹。憑誰畫此碧玲瓏。

楚城

江上荒城猿鳥悲。隔江便是屈原祠。一千五百年間事。只有灘聲似舊時。

王士正曰歸州在江北山巔江南有楚臺山山上有楚王臺及舊秭歸城三閭大夫實產是鄉王龜齡詩城郭舊爲夔子國人民多是楚王孫陸放翁詩江上荒城猿鳥悲。隔江便是屈原祠。一千五百年間事。只有灘聲似舊時。何仲默詩古郡山頭數家住。客舟江

卷早四

十一

上一燈明竹枝慣聽巴人曲。鳥道纔通楚國程。荒山寒日江聲怒。號獨坐吟此數詩不必猿鳴三聲淚霑裳也。

張完臣曰聲味都盡而語氣不斷此之謂詩

舟出下牢關

大舸凌驚濤。飛度青玉峽。虛壁雲濛濛。陰洞風颯颯。拂天松蓋偃。入水山脚插。炎曦忽摧破。亭午手忘箠。懸知今夜喜。月白宿沙夾。曠哉七澤遊。盟鷗不須歎。

押韻皆穩

峽口夜坐

三峽至此窮。兩壁猶峭立。估船無時行。婦盃有夜汲。風生樹影動。月碎水流急。草根綴微露。螢火飛熠熠。吾行已四旬。纔抵楚西邑。浩歌散鬱陶。還舟覺衣溼。

初到荊州

萬里泛仙槎。歸來髻未華。蕭蕭沙市雨。淡淡渚宮花。斷岸添新漲。高城咽晚笳。船窗一樽酒。半醉落烏紗。

阻風

沙市三日風。萬鼓鳴船頭。欲去不得發。臥對青燈幽。聽

卷四十四

七

兒誦離騷。可以散我愁。微言入孤夢。恍與屈宋遊。睡起銅瓶響。欣然喚茶甌。吾道無淹速。風伯非所尤。

小雨極涼舟中熟睡至夕

舟中一雨埽。飛蠅半脫綸巾臥。翠藤清夢初回。窗日晚。數聲柔艣下巴陵。

盧世淮曰。只末一句有多少蘊含在。

岳陽樓

身如病鶴短翅胡。雨雪飄灑號沙汀。天風忽吹不得住。東下巴峽泛洞庭。軒皇張樂雖已矣。此地至今朝百靈。

雄樓岌嶮鎮吳楚。我來舉手捫天星。帆檣纜放已隱隱。
雲氣亂入何冥冥。鼉鼉出沒蛟鰲橫。浪花遮盡君山青。
黃衫仙翁喜無恙。袖劍近到城南亭。眼前俗子敗人意。
安得與翁同醉醒。

黃鶴樓

手把仙人綠玉枝。吾行忽及早秋期。蒼龍鬩角歸何晚。
黃鶴樓中醉不知。江漢交流波渺渺。晉唐遺迹草離離。
平生最喜聽長笛。裂石穿雲何處吹。
別出機軸邈然清。夔結語運化入妙。幾於滅盡鍼線之

迹

卷四十四

圭

自雪堂登四望亭因歷訪蘇公遺迹至安國院

我醉飛屐登孱顏。拄杖出沒風煙間。三山葱隴鮪鰐靜。
九關肅穆虎豹閒。幾年金骨煉綠髓。此日始得窮躋攀。
老仙歸侍紫皇案。空有野水流淙潺。蜿蜒翠阜圍綠野。
似嶺非嶺山非山。向來龍蛇滿雪壁。雷電下取何時還。
名花亦已天上去。居人指似題詩處。九十一翁不識公。

我抱此恨知無窮。

原註定惠院已廢海菜亦不復在安國老僧景滋年九十一自言東坡去

黃後四年方生

舟行蘄黃間雨霽得便風有感

天青雲白十分晴。帆飽舟輕盡日行。江底魚龍貪晝睡。
淮南草木借秋聲。好山縹渺何由住。華髮蕭條只自驚。
莫怪時人笑踈嬾。宦情元不似詩情。

長風沙

江水六月無津涯。驚濤駭浪高吹花。艣聲已出雁翅浦。
荻夾喜入長風沙。長風自古三巴路。檣竿參差雜煙樹。
南船北船各萬里。淒涼小市相依住。歌呼雜沓燈火明。
黃昏風死浪亦平。勞苦舟師剩沽酒。安穩明朝到池口。

卷四十四

西

登賞心亭

蜀棧秦關歲月適。今年乘興卻東遊。全家穩下黃牛峽。
半醉來尋白鷺洲。黯黯江雲瓜步雨。蕭蕭木葉石城秋。
孤臣老抱憂時意。欲請遷都涕已流。

將至京口

臥聽金山古寺鐘。三巴昨夢已成空。船頭坎坎回帆鼓。
旗尾舒舒下水風。城角危樓晴靄碧。林閒雙塔夕陽紅。
銅瓶愁汲中濡水。不見茶山九十翁。

原註頃在京口嘗取中濡水寄曾文

泝谿

射的峯前禹廟東。短篷三扇臥衰翁。閒攜清聖濁賢酒。
重試朝南莫北風。水落痕畱紅蓼節。雨來聲滿綠蒲叢。
衝煙莫作怱怱去。擬看溪丁下釣筒。

冬夜聞雁有感

從軍昔戍南山邊。傳烽直照東駱谷。軍中罷戰壯士閒。
細草平郊恣馳逐。洮州駿馬金絡頭。梁州毬場日打毬。
玉盃傳酒和鹿血。女眞降虜彈箜篌。大呼拔幟思野戰。
殺氣當年赤浮面。南遊蜀道已低摧。猶據胡牀飛百箭。
豈知蹭蹬還江邊。病臂不復能開弦。夜聞雁聲起太息。
來時應過桑乾磧。

豪邁一往壓倒高岑

月夕

開戶滿庭雪。徐看知月明。微風入叢竹。復作雪來聲。俗
塵不待埽。凜然肝肺清。村深無漏鼓。鶴唳報三更。
以雋語寫幽致。列子御風冷然善也。

自雲門之陶山肩輿者失道行亂山中有茅舍小
塘極幽邃求見主人不可意其隱者也

陂池幽處有茅堂。井臼蕭條草樹荒。小鴨怯波時聚散。
病蔬傷蠹半青黃。童兒衝雨收魚網。婢子聞鐘上佛香。
我亦暮年思屏迹。數椽何計得連牆。

園中雜書

殘花委地筍掀泥。香椀詩囊到處攜。幽夢欲成誰喚覺。
半窗斜日鷓鴣啼。

池亭夜賦

池上小亭幽。清宵秉燭遊。荷盤時瀉露。螢火早知秋。有
感歲時速。無聲河漢流。殊方不堪住。歸夢繞滄洲。

卷四十四

六

雙清堂夜賦

陸子病少閒。獨臥谿上堂。人靜魚自躍。風定荷更香。素
月行中天。流螢失孤光。歸鳥飛有聲。度此十里塘。嗟我
獨何事。遲暮客異鄉。太息搔短髮。起視夜未央。

妙於體物流。螢失孤光與。螢火早知秋。各有妙理。風定
荷更香。風定池蓮自在。香亦復各成。妙句前後三詩不
妨並存。

檣南納涼

曳杖來追柳外涼。畫橋南畔倚胡牀。月明船笛參差起。

風定池蓮自在香。半落星河知夜久。無窮草樹覺城荒。
碧筒莫惜頽然醉。人事還隨日出忙。

初秋夢故山覺而有作

陂水白茫茫。草煙溼霏霏。牧童一聲笛。落日無餘暉。遙
山已漸隱。村巷亞竹扉。老翁延我入。苦謝柿栗微。幸逢
歲有秋。一醉君勿違。念此動中懷。命駕吾將歸。

別建安

欵帽揚鞭晚出城。驛亭燈火向人明。多情葉上蕭蕭雨。
更把新涼送客行。

卷四十四

七

紫谿驛

原註信州鉛山縣

雲外丹青萬仞梯。木陰合處子規啼。嘉陵棧道吾能說。
略似黃亭到紫谿。

筆有天趣此作運化工部下篇又用太白皆極鑪錘之
妙

月巖

幾年不作月巖遊。萬里重來已白頭。雲外連娟何所似。
平羌江上半輪秋。

淡淡自合刻劃卽失之矣

聞雁

過盡梅花把酒稀。熏籠香冷換春衣。秦關漢苑無消息。
又在江南送雁歸。

張完臣曰可謂深至

春雨

冬旱土不膏。愛此春夜雨。四郊農事興。老穉送歌舞。相
呼長沮耕。分喜樊遲圃。豐年已在目。亭障靜桴鼓。我歸
未有期。一官寄倉庾。幸復寬簡書。不敢恨羈旅。
平平寫去澹雅可愛。豐年十字抵得一篇喜雨亭記。

卷四十四

七

南窗睡起

夢中忘卻在天涯。一似當年錦里時。狂倚寶箏歌白紵。
醉移銀燭寫烏絲。酒來郫縣香初壓。花送彭州露尚滋。
起坐南窗成絕嘆。玉樓乾鵲誤歸期。

盧世漉曰三四俊爽自是佳句

晝漏迢迢暑氣清。不妨小倦帶餘醒。夢從隴客聲中斷。
愁向湘屏曲處生。風度簾旌紅浪颭。窗明香岫碧雲橫。
閒情賦罷憑誰寄。悵望壺天白玉京。

感舊絕句

鷺黃酒邊綠荔枝。

原註鷺黃廣漢酒名綠荔枝出敘州

摩訶池上納涼時。

冰紈不畫驂鸞女。卻寫江南白紵辭。

盧世淮曰有世外音響當於空際遇之。

夏日晝寢夢遊一院闐然無人簾影滿堂惟燕躡

箏弦有聲覺而聞鐵鐸風響璆然殆所夢也邪因

得絕句

桐陰清潤雨餘天。簷鐸搖風破晝眠。夢到畫堂人不見。一雙輕燕蹴箏絃。

書懷絕句

卷四十四

九

不到天台三十年。草菴猶記宿雲邊。老僧曉出松門去。手挈軍持取澗泉。

絕句源出樂府但取神韻趣在有意無意之間唐人推青蓮龍標二家擅場作者妙處深得風人之致視唐殆無愧色此不可以時代拘者也

雨後極涼料簡篋中舊書有感

日昃小雨不至。晡雨雖未足涼有餘。細泉泠泠咽幽竇。清吹策策驚高梧。笠澤老翁病蘇醒。欣然起理西齋書。十年鐙前手自校。行間顛倒黃與朱。區區樸學老自信。

要與萬卷歸林廬。爾來世俗好變古，鑿空飾詐無根株。
愀然撫几三太息，力薄抱恨何由祛。蘭臺漆書非已責，
且爲籤牘除蠹魚。

秋夜

湖海秋初到，房櫳夜轉幽。露濃驚鶴夢，月冷伴蛩愁。
生計依微祿，年光墮遠遊。嚴灘已在眼，早晚放孤舟。

原註去年

欲自三衢舟行泛七里灘歸山陰今竟當爲此行也

雨夜

庭院蕭條秋意深，銅爐一炷海南沈。幽人聽盡芭蕉雨，

卷十四

三

獨與青燈話此心。

豐城高安之間，憩民家景趣幽邃，爲之慨然懷歸。
數家聚雲根，細路入叢薄。濺濺石渠水，來往一略約。有
無鄰里通，笑語婦子樂。濁醪時相就，青蔬缺鹽酪。日暮
歸閉門，績火星煜燭。先期畢租稅，老不入城郭。嗟予獨
何事，早插紅塵腳。故山未成歸，悵望有餘作。

寄奉新高令

小雨催寒著客袍，草行露宿敢辭勞。歲饑民食糟糠窄，
吏惰官倉鼠雀豪。只要闔閭寬筆楚，不須亭障肅弓刀。

九重屢下丁寧詔。此責吾曹未易逃。
此眞良二千石矣。察吏恤災安民弭盜奉公任職八句
中色色具到。卻一氣渾成。不冗不腐。風雅遺軌。何可多
得。鶴林玉露載王十朋眞德秀二詩。命意雖同。而氣格
相去遠矣。

予欲自嚴買船下七里灘。謁嚴光祠而歸。會灘淺。

陸行至桐廬。始能泛江。因得絕句。

桐廬縣前艣聲急。蒼煙茫茫白鳥雙。
亂山日落潮未落。勝絕不減吳松江。

風格絕佳

卷四十四

三

辛丑正月三日雪

開歲尙殘冬。佳哉雪意濃。
潤歸千里麥。聲亂五更鐘。
簾隙收初密。牆隅積已重。
龍團笑羔酒。狐腋襲駝茸。
危檻臨欹竹。幽窗聽墮松。
忽思西戍日。憑堞待傳烽。

原註子從戎日

嘗大雪中登興元城上
高興亭待平安火至

龍團笑羔酒用陶穀事妙於不覺

雪霽歸湖上過千秋觀少畱

縱轡不嫌遠。逢山猶一登。
夕陽陂渺渺。殘雪塙層層。
折

竹橫遮道。飢鳥下啄冰。欲歸還小駐。倚杖對峻嶒。

題山家壁

山中無傳漏。猿鳴知既夕。芳藤上幽援。素月照高壁。主人殊喜事。歡若有夙昔。稚子檠竹槃。炊黍持餉客。卜鄰雖未辦。清嘯聊自適。衰病久廢詩。筆端歎荆棘。

憶昔

憶昔浮江發。劒南夕陽船。尾每相銜。楠陰暗處尋。高寺荔子紅。時宿下巖。原註高寺在瀘州下巖在雲安軍破口烹猪賽龍廟。

沙頭伐鼓挂風帆。區區陳迹何由記。惟有征塵尚滿衫。

卷四十四

三

秋夜

秋氣侵帷夢不成。一燈西壁翳還明。風高露井無桐葉。雨急煙村有雁聲。擊筑誰同燕市飲。賃舂方作會稽行。從來自許知何等。堪歎江湖白髮生。

涼風又落南宮木。老雁孤鳴漢北州。不及頷聯之含蘊。

九月三日泛舟湖中作

兒童隨笑放翁狂。又向湖邊上野航。魚市人家滿斜日。菊花天氣近新霜。重重紅樹秋山晚。獵獵青帘社酒香。鄰曲莫辭同一醉。十年客裏過重陽。原註子自庚寅辛丑始見九日於

山故

新寒

病怯新寒欲不禁。南窗擁褐夜愔愔。江湖跌宕送餘日。
書劍蕭條孤壯心。杜曲新愁隨斷雁。遼陽遺恨入疎砧。
此懷擬向何人說。賴有昏燈伴苦吟。

湖村月夕

客路風塵化素衣。閒愁冉冉鬢成絲。平生不負月明處。
神女廟前聞竹枝。

盧世灌曰色相俱空

卷四十四

五

橫塘

橫塘南北埭西東。拄杖飄然樂未窮。農事漸興人滿野。
霜寒初重雁橫空。參差樓閣高城上。寂歷村墟細雨中。
新買一蓑苔樣綠。此生端欲伴漁翁。
原註是日偶買蓑衣甚妙

蔬圃

山翁老學圃。自笑一何愚。磽瘠財三畝。勤劬賴兩奴。正
方畦畫局微潤土。融酥剪闢荆榛盡。鉏犁磊塊無過溝。
橫略約聚蟻起浮屠。
原註拾園中瓦礫作小埕隙地成瓜援餘功及
芋區如絲細生菜似鴨爛蒸壺。此事今真辦東歸不爲。

鱸

排比瑣事點染閒情雖云遊戲亦斐亶可觀

五雲門晚歸

高城帶遠林落日動寒砧行客自朝暮青山無古今
衰遲慙逸氣憂患足危心溪迳滯歸艇何時春水深
以高韻勝置盛唐人集中不復可辨

夜汲井水煮茶

病起罷觀書袖手清夜永四鄰悄無語燈火正凄冷
山童亦睡熟汲水自煎茗鏘然轆轤聲百尺鳴古井肺腑

卷四十四

五

凜清寒毛骨亦蘇省歸來月滿廊惜踏疎梅影

寄朱元晦提舉

市聚蕭條極村墟凍餒稠勸分無積粟告糴未通流
民望甚飢渴公行胡滯畱徵科得寬否尙及麥禾秋

惻然仁者之言四十字不愧古人羅大經謂文公於詩
獨取放翁以其氣質渾厚殆未足以盡之

宋史文公本傳淳熙七年湖東大饑易提舉湖東常
平茶鹽事卽日單車就道移書他郡募米商蠲其征
比至部米已輻輳與僚屬鉤訪民隱至廢寢食雖深

山窮谷拊存不遺事竣宰相王淮贊於上曰熹荒政
乃行其所學民被實惠

乍晴風日已和泛舟至扶桑埭徘徊西村久之

十日風雨今日晴衰病忽減思閒行接羅一幅煙霧薄
舴艋八尺鳥鷺輕亭亭孤塢遠天碧曲曲深巷斜陽明
數家茅屋門晝掩不聞人聲聞碓聲身似龐公不入城
東阡南陌餞餘生新年倘有豐年喜買酒漁村看太平
攜甕尊醉梅花下

楠瘿作尊容斗許擁腫輪困元媚嫵肯從放翁來住山

御選唐宋詩醇

卷四十四

五

誰云置身不得所山房寂寞久不飲作意欲就梅花語
我病鮮歡花更甚日暮淒涼泣殘雨人生萬事雲茫茫
一醉常恐俗物妨正須仙人冰雪膚來伴老子鐵石腸
花前起舞花底臥花影漸東山月墮瘿尊未竭狂未休
笑起題詩識吾過

城西接待院後竹下作

水邊小邱因古城上有巨竹數百箇一徑蛇蟠不容腳
平處乃可十客坐裊裊共看風枝舞簌簌時聽春籟墮
古佛不妝香火冷瘦僧如臘袈裟破門前西去長安路

日夜舳艫銜尾過。老夫本乏臺省姿。且就清陰曲肱臥。

幽居春夜

暮景催人雪鬢雙。十年始復反吾邦。雲逢佳月每避舍。
酒壓閒愁如受降。三弄笛聲初到枕。一枝梅影正橫窗。
要知清夢遊何許。不釣桐江卽錦江。

頸聯圓妙有彈丸脫手之樂

晨起

小雨溼清曉。新鶯啼早春。年光驚病眼。節物屬閒身。巴
硤東連楚。嶓山北控秦。遠遊端可繼。敢恨素衣塵。

御選唐宋詩醇

卷四十四

三

春遊

平生樂行役。不耐常閉戶。今朝新雨霽。一笑整巾屨。青
猿導幽蹊。春草伴微步。雖云尊酒薄。蔬果亦略具。辛夷
發高枝。楊柳吹墮絮。行歌不知遠。落日呼野渡。橫林已
棲鴉。淺水猶立鷺。歸來意頗豪。古錦有新句。

八月十四日夜湖山觀月

長空露洗玻璃碧。紫金之盤徑三尺。忽看擘地出人閒。
桂樹扶疎如淡墨。攬衣獨立鏡湖邊。風露萬頃秋渺然。
開帆詎必入東海。騎鯨便可追飛仙。冰壺玉漉侵骨冷。

醉看孤鸞舞清影。夜闌歸舍人。已眠卻倩天風爲吹醒。
奇語得自眼前轉覺出人意表。

夜聞秋風感懷

西風一夜號庭樹。起攬戎衣。淚濺襟殘。角聲催關月墮。
斷鴻影隔塞雲深。數篇零落。從軍作一寸。淒涼報國心。
莫倚壯圖思富貴。英豪何限。死山林。

草書歌

傾家釀酒三千石。閒愁萬斛酒不敵。今朝醉眼爛巖電。
提筆四顧天地窄。忽然揮掃不自知。風雲入懷天借力。
神龍戰野昏霧腥。奇鬼摧山太陰黑。此時驅盡胸中愁。
槌牀大叫狂墮幘。吳牋蜀素不快人。付與高堂三丈壁。
與醉後草書一篇各成奇致。

夜泊水村

腰間羽箭久凋零。太息燕然未勒銘。老子猶堪絕大漠。
諸君何至泣新亭。一身報國有萬死。雙鬢向人無再青。
記取江湖泊船處。臥聞新雁落寒汀。

率多胸臆兼有氣。骨可爲南渡君臣慨然太息。

自妙相歸將至杜浦堰舟中作

斜陽發東郭初夜轉西城寺閣疎鐘動漁村遠火明蒼
茫林靄滅撲漉水禽驚漸喜吾廬近遙聞過埭聲

卷四十四

夫

御選唐宋詩醇卷之四十五

山陰陸游詩四

目錄

秋興

三江舟中大醉作競贈面韻

樊江晚泊

秋夕

秋雨排悶十韻

寄題朱元晦武彝精舍

卷四十五

長安道

村舍

幽居感懷

遲莫

自若耶溪舟行杭鏡湖而歸

骨相

感憤

晚出偏門

過杜浦橋

莊器之作招隱閣項平父諸人賦詩予亦繼作

溪上醉吟

雨中泊舟蕭山縣驛

初夏遊凌氏小園

題少陵畫像

初冬雜題

小雨

題徐淵子環碧亭亭有茶山曾先生詩

臨安春雨初霽

卷四十五

二

飲張功父園戲題扇上

小舟過御園

春遊絕句

雨後

夜汲

新霽城南舟中夜興

丙午五月大雨五日止鏡湖渺然想見湖未廢

時有感而賦

早自烏龍廟歸

齋中閒咏

秋雨北榭作

焉耆行

園中絕句

晨過天慶

出城

夜登千峯榭

秋興

余年二十時嘗作菊枕詩頗傳於人今秋偶復采

卷四十五

三

菊縫枕囊悽然有感

東吳女兒曲

有爲予言烏龍高嶮不可到處有僧巖居不知其
年予每登千峯榭望之慨然爲作詩

楚宮行

妾命薄

四鼓酒醒起步庭下

秋霽

採藥

塞上曲

送潘德久使薊門

夜歸博街巷書事

送張野夫寺丞牧滁州

夜歸偶懷故人獨孤景略

月下小酌

鄰曲有未飯被追入郭者憫然有作

題湖邊旗亭

寓懷

卷四十五

題千秋觀懷賀亭

樊江

練塘

歸次樊江

泛湖至東涇

村居初夏

東關

七月一日夜坐舍北水涯戲作

以事至城南書觸目

梅花絕句

題瑩上人二畫

劉谿

吳江

山家莫春

自詠

蓬萊館午憩

夢遊散關渭水之閒

秋夜

卷四十五

五

荷花

秋興

新晴

舍北望水鄉風物戲作絕句

禹跡寺南有沈氏小園四十年前嘗題小闕壁閒

偶復一到而園已易主刻小闕於石讀之悵然

小園

夜讀范至能攬轡錄言中原父老見使者多揮涕

感其事作絕句

醉臥松下短歌

探梅

題四仙像

冬晴閒步東村由故塘還舍作

夜間湖中漁歌

村夜

野意

憶昔

感懷

卷四十五

六

御選唐宋詩醇卷之四十五

山陰陸游詩四

秋興

樵風溪上弄扁舟。濯錦江邊憶舊遊。豪竹哀絲真昨夢。
爽砧繁杵又驚秋。墜枝橘熟初堪翦。浮盃醕香恰受籊。
莫道身閒總無事。孤鐙夜夜寫清愁。

三江舟中大醉作

志欲富天下。一身常苦飢。氣可吞匈奴。束帶向小兒。天
公無由問。世俗那得知。揮手散醉髮。去隱雲海涯。風息
天鏡平。濤起雪山傾。輕帆入浩蕩。百怪不可名。虹竿秋
月鉤。巨鰲儻可求。滅迹從今逝。回看隘九州。
擬以太白便覺去人不遠。

樊江晚泊

碧雲覆日天欲暮。城西振柁城東路。蓴羹菰飯香滿船。
正是江頭落帆處。荻洲漁火遠更明。煙水蒼茫聞雁聲。
不是綠尊能破悶。白頭客路若爲情。

秋夕

騷魂虛仗些詞招。病骨那禁積毀消。亂葉打窗寒有信。

昏燈照幔夢無聊。棧邊老驥心空在。爨下殘桐尾半焦。
百感忽生推枕起。碧霄銀漢正迢迢。
深於比與怨而不怒。

秋雨排悶十韻

今夏久無雨。從秋卻少晴。空濛迷遠望。蕭瑟送寒聲。
衣潤香偏著。書蒸蠹欲生。壞簷聞瓦墮。漲水見堤平。
溝溢池魚出。天低塞雁征。螢飛明閨廡。蛙鬧雜疎更。
藥醖時須焙。舟閒任自橫。未憂荒楚菊。直恐敗吳杭。
夜永鐙相守。愁深酒細傾。浮雲會消散。鼓笛賽西成。

卷四十五

二

方回曰字字工穩

寄題朱元晦武夷精舍

先生結屋綠巖邊。讀易懸知屢絕編。不用采芝驚世俗。
恐人謗道是神僊。

身門翫覺溪山好。心靜尤知日月長。天下蒼生未蘇息。
憂公遂與世相忘。

惟朱子稱此詩。惟此詩可寄朱子。所云詩中有人者。

長安道

千夫登登供版築。萬手丁丁供斲木。歌樓舞榭高入雲。

複幕重簾晝燒燭中使傳宣騎飛鞚達官候見車擊轂
豈惟炎熱可炙手五月瞿唐誰敢觸人生易盡朝露晞
世事無常壞陂復士師分鹿真是夢塞翁失馬猶爲福
君不見野老八十無完衣歲晚北風吹破屋
言抵藥石體合風雅

村舍

空谷人稀到新寒病頓輕晨霜催小獵宿雨潤新耕草
莽秦馳道雲煙越故城千年不磨滅惟有暮山橫
有俯仰千古之感句法亦逼老杜

卷四十五

幽居感懷

偶傍楓林結數椽東歸也復度流年汀洲雁下依殘水
墟里人行破夕煙十月風霜欺客枕五更鼓角滿江天
散關晴渭應如昨回首功名一愴然

遲暮

遲暮固多感况此歲崢嶸霜霰忽已集夜間絡緯鳴青
鐙不解語依依有餘情銅瓶煮寒泉中作笙簫聲沈憂
能傷人一夕白髮生蓬萊渺雲海金丹幾時成

自若耶溪舟行杭鏡湖而歸

換馬亭前煙火微。鬪牛橋畔行人稀。雲山慘澹少顏色。
霜日清薄無光輝。新酒筍成桑正落。美人信斷雁空歸。
高樓何處吹長笛。清淚無端又溼衣。
詞意清婉風調致佳

骨相

骨相元知薄。功名敢自期。病侵彊健日。閒過聖明時。形
勝輪臺地。飛騰瀚海師。江湖雖萬里。猶擬綴聲詩。
意自深深非關骨相

感憤

卷四十五

四

今皇神武是周宣。誰賦南征北伐篇。四海一家天歷數。
兩河百郡宋山川。諸公尙守和親策。志士虛捐少壯年。
京洛雪消春又動。永昌陵上草芊芊。

大聲疾呼氣浮紙。上諸將五首之嫡嗣也。

盧世灌曰南渡樂於偏安誰能念此

晚出偏

一段新愁帶宿醒。半欹烏帽策驢行。村墟香動梅初破。
裘褐寒輕雪未成。渡口人爭紅日晚。沙邊雁帶碧煙橫。
悠然又覓長堤路。腸斷城樓畫角聲。

過杜浦橋

橋北雨餘春水生。橋南日落暮山橫。問君對酒胡不樂。
聽取菱歌煙外聲。

莊器之作招隱閣項平父諸人賦詩予亦繼作

諸公共賦反招隱細字斜行肯見傳語到淮南小山作
人如江左永和年一窗蘿月禁春瘦萬壑松風撼晝眠
我亦尙嫌林谷淺因君更擬斲雲煙

溪上醉吟

行行不知溪路深。但怪素月生遙岑。不辭醉袖拂花絮。

卷四十五

五

與子更醉青蘿陰

雨中泊舟蕭山縣驛

端居無策散閒愁。聊作人間汗漫遊。晚笛隨風來倦枕。
春潮帶雨送孤舟。店家菰飯香初熟。市擔蓴絲滑欲流。
自笑勞心成底事。黃塵陌上雪蒙頭。

春潮七字與蘇州各成妙句

初夏遊凌氏小園

水滿池塘葉滿枝。曲廊危榭愜幽期。風和海燕分泥處。
日永吳蠶上簇時。閒理阮咸尋舊譜。細傾白墮賦新詩。

從來夏淺勝春日兒女紛紛豈得知。原注庚信詩云夏淺卻勝春鏡湖遊人至立夏而止

題少陵畫像

長安落葉紛可埽九陌北風吹馬倒杜公四十不成名。
袖裏空餘三賦草車聲馬聲喧客枕三百青銅市樓飲。
杯殘餽冷正悲辛仗內鬪雞催賜錦。

初冬雜題

莫嫌風雨作新寒一樹青楓已半丹身在范寬圖畫裏
小樓西角剩憑闌

卷四十五

小雨

六

細細溼春光霏霏破夕陽臥聞驚倦枕起看入虛堂映
葉鶯猶囀爭泥燕正忙閒愁無遣處誰與共飛觴
工於賦物不落纖巧

題徐淵子環碧亭亭有茶山曾先生詩

茶山丈人厭囂譁幅巾每訪博士家小亭談笑不知暮
往往城上聞吹笳興來傑作粲珠璧歲久妙墨亡龍蛇
頭君弟子多白髮回頭日月如犇車徐卿赤城古仙子
十年四海推才華覽觀陳迹喜不寐旋補罅漏支傾斜

曲池還浸古來月。鼓莽忽見當時花。重題舊句照高棟。
力振風雅排淫哇。席間紵袍已散鵠。堂上講鼓初停撾。
速宜力置竹葉酒。不用更淪桃花茶。
原注桃花茶見曾公詩

臨安春雨初霽

世味年來薄似紗。誰令騎馬客京華。小樓一夜聽春雨。
深巷明朝賣杏花。矮紙斜行閒作草。晴窗細乳戲分茶。
素衣莫起風塵嘆。猶及清明可到家。
領聯圓轉脫口而出一涉湊拍失此語妙

瞿佑曰陳簡齋詩云客子光陰詩卷裏杏花消息雨

卷四十五

七

聲中陸放翁詩云小樓一夜聽春雨深巷明朝賣杏
花皆佳句也葉靖逸詩云春色滿園關不住一枝紅
杏出牆來戴后屏詩云一冬天氣如春暖昨日街頭
賣杏花句意亦佳可以追及之

盧世灌曰三四有唐人風韻

方回曰臨安春雨初霽一首劍南集編在嚴州朝辭
時所作後村詩話乃謂妙年行都所賦思陵賞音似
誤

飲張功父園戲題扇上

寒食清明數日中西園春事又怱怱梅花自避新桃李
不爲高樓一笛風

寓意雖刻自足風調

盧世淮曰翻案妙有諷意

小舟過御園

聖主憂民罷露臺春風別苑晝常開盡除曼衍魚龍戲
不禁芻蕘雉兔來水鳥避人橫翠靄宮花經雨委蒼苔
殘年自喜身强健又作清都夢一回

善於立言

卷四十五

八

春遊絕句

一百五日春郊行三十六溪春水生千秋觀裏逢急雨
射的峯前看晚晴

原注自秦望山而北合三十六溪水爲若耶溪

雨後

礎潤還成雨雲收旋作晴巖花分日發林筍逐番生筆
硯行常具軒窗晚更明塵埃幸不到那得廢詩情

夜汲

酒渴起夜汲月白天正青銅瓶響寒泉聞之心自醒井
邊雙梧桐映月影離離上有獨棲鶻細爪握高枝我欲

畫團扇良工不可求。三歎拊庭楮。浩然風露秋。
落落有古意。

新霽城南舟中夜興

身是江湖不繫船。雨餘隨處一倏然。浮雲盡斂出青嶂。
孤月徐升行碧天。收網漁歌移別浦。隔城塔影落前川。
明朝閒就平洲飲。中履追涼又一年。

丙午五月大雨五日不止鏡湖渺然想見湖未廢
時有感而賦

朝雨暮雨梅正黃城南積潦入車箱。鏡湖無復鍼青秧。

卷四十五

九

直浸山腳白茫茫。湖三百里漢訖唐。千載未嘗廢陂防。
屹如長城限胡羌。嗇夫有秩走且僵。旱有灌注水何傷。
越民歲歲常豐穰。洙湖誰始謀不臧。使我婦子饜糟糠。
陵遷谷變亦何常。會有妙手開湖光。蒲魚自足被四方。
煙艇滿目菱歌長。

有關國計民生非尋常歌詠可比

山陰志鏡湖綿跨二縣周回三百五十八里東漢馬
臻始築塘蓄水溉田九千餘頃迄於宋民甚利之祥
符以來並湖之民盜湖爲田熙寧中遣使至越不能

復湖後遂盡廢爲田皆已陞科議復古以興水利者常惜之而勢不可行

會稽志張元汴曰汴按諸家所論前乎漢而無海塘則鏡湖不可不築後乎宋而有海塘則鏡湖可以不復近者三江之閘其益百倍於海塘惟時其啟閉以常謹水利之大綱而於外塘務完之內流務濬之以時修水利之細目則受利不止一會稽矣又何鏡湖之足論乎

早自烏龍廟歸

卷四十五

十

殘漏聲中聽曳鈴翩翩吹帽出郊坰
雨餘澗落雙虹白雲合山餘一髮青
鐵馬蹴冰悲昨夢朱顏辭鏡感頽齡
歸來獨對空齋冷鳥迹蒼苔自滿庭

齋中閒咏

風號萬物作濤聲雲截千峯似几平
多病支離仍老境暮秋蕭瑟更山城
燕觴久罷塵痕積庭訟全稀蘚暈生
莫道齋中日無事焚香掃地又詩成
六句可謂深穩

秋雨北樹作

秋風吹雨到江濱。小閣疎簾曉色分。津吏報增三尺水。
山僧歸入萬重雲。飄零露井無桐葉。斷續煙汀有雁羣。
了卻文書早尋睡。檐聲偏愛枕間聞。

方回曰此嚴陵郡圃也三四極工而活

馬者行

馬者山頭暮煙紫。牛羊聲斷行人止。平沙風急捲寒蓬。
天似穹廬月如水。大胡太息小胡悲。投鞍欲眠且復起。
漢家詔用李輕車。萬丈戰雲來壓壘。

馬者山下春雪晴。莽莽惟有蒺藜生。射麋食肉飲其血。

卷四十五

七

五穀自古惟聞名。樵蘇切莫近亭障。將軍臥護真長城。
十年牛馬向南睡。知是中原今太平。

園中絕句

溪北溪南飛白鷗。夕陽明處見漁舟。憑誰爲翦機中素。
畫取天涯一片秋。

晨過天慶

蘿月挂團壁。松風號急灘。孤鐙經院曉。殘雪醮壇寒。賸
欲閒扶杖。何妨醉墮冠。詩成興不盡。萬里跨青鸞。

三四語意工絕。與棋聲花院靜。幡影石壇高。不可軒輊。

出城

翩翻烏帽出林垞。掠面風微酒半醒。戍火難尋玉關夢。
衣塵空愧草堂靈。天晴山雪明城郭。水漲江流近驛亭。
客鬢不如隄上柳。數枝春動又青青。

夜登千峯榭

夷甫諸人骨作塵。至今黃屋尙東巡。度兵大峴非無策。
收泣新亭要有人。薄釀不澆胸壘塊。壯圖空負膽輪囷。
危樓插斗山銜月。徙倚長歌一愴神。

從空而下氣象高遠歸咎王呂自是千古公論

卷四十五

七

潘問奇曰劍南詩操觚家奉之如拱璧然一時所爲
翕然者不過喜其陶寫風雲流連月露而已而其倦
倦宗國悱惻纏綿顧未有及之者予爲一一標識之
使知先生當日傷半壁之無依痛兩宮之不返終天
歎悼不徒區區景物間也比少陵庶幾一飯不忘之

誼云

秋興

孤城寂寞近江干。處處疏砧送早寒。水落纔餘半篙綠。
霜高初染一林丹。民租屢減追胥少。吏責全輕法令寬。

偶有一樽聊獨醉。強按黃菊助清歡。

余年二十時嘗作菊枕詩。頗傳於人。今秋偶復采

菊縫枕囊。悽然有感。

采得黃花作枕囊。曲屏深幌闕幽香。喚回四十二年夢。
鐙暗無人說斷腸。

少日曾題菊枕詩。蠹編殘稟鎖蛛絲。人間萬事消磨盡。
只有清香似舊時。

黯然自傷與沈園二絕所感同。而詞亦並二。蓋發乎情
者深也。

卷四十五

三

東吳女兒曲

東吳女兒語如鶯。十三不肯學吹笙。鏡奩初喜穉蠶出。
窗眼已看雙繭成。庭空日暖花自舞。簾卷巢乾燕新乳。
阿弟貪書下學遲。獨揀詩章教鸚鵡。
絕似皮陸

有爲予言烏龍高嶮不可到處。有僧巖居不知其
年。予每登千峯榭望之。慨然爲作詩

樵子向予說。有僧巢翠微巖。扉雲共宿。錫杖鶴同飛。日
暮松明火。天寒榭葉衣。棄官從此逝。非子尙誰歸。

楚宮行

漢水方城一何壯。大路並馳車百兩。軍書插羽擁修門。
楚王正醉章華上。璇題藻井窮丹青。玉笙寶瑟聲冥冥。
忽聞命駕遊七澤。萬騎動地如雷霆。清晨射獵至中夜。
蒼兕元熊紛可藉。國中壯士力已殫。秦寇東來遣誰射。

妾命薄

原注太白作此篇言長門宮事予反之

妾命薄。早入天家侍帷幄。君王勤儉省宴遊。寶柱朱弦
塵漠漠。日長別殿承恩稀。旰食猶聞親萬機。宮中雖無
珠玉賜。塞上不見煙塵飛。不須悲傷妾命薄。命薄卻令

卷四十五

古

天下樂

高處立闊處行

四鼓酒醒起步庭下

酒解夜過半。出門步中庭。天高河漢白。月澹煙霧青。重
滴竹杪露。疎見樹罅星。壞塋螢啼寒。蠶深竹明孤。螢秋晚
雖未霜。蠹葉時自零。四序逝不留。慨然感頽齡。平生茅
一把。不博帶萬釘。鴟溝謝拍拍。鴻路追冥冥。

秋霽

灝氣明山川。霽色滿天地。西風吹我衣。忽有萬里意。

原運當平。所要在得。士餘年猶幾何。棄置復棄置。

短幅森巖中極頓挫之妙

採藥

箕子編成細箬新。獨穿空翠上嶙峋。丹砂巖際朝曦日。
枸杞雲間夜吠人。絡石菖蒲蒙綠髮。纏松薜荔長蒼鱗。
金貂謁帝我未暇。且作人閒千歲身。

塞上曲

將軍許國不懷歸。又見桑乾木葉飛。要識君王念征戍。
新秋已報賜冬衣。

卷四十五

五

自合唐音

送潘德久使薊門

崑崙東分一枝渾。奔蹴砥柱經龍門。羲皇受圖撫上古。
神禹治水開中原。三靈實扶藝祖業。萬國共仰東都尊。
羣兒撞壞吁可歎。願使殘虜今遊魂。因君試求出師路。
孟津白馬應如故。不須更議繫河橋。北風正可乘冰渡。
頗聞盧龍已數盡。復道飛狐合屯戍。轅門儻駐拂雲祠。
烽火應過明妃墓。君歸解鞍藉芳草。細談塞北忘予老。
讀書飲酒待賊平。萬丈旄頭方下埽。

老驥伏櫪志在千里游豈須臾忘恢復者况觸事感懷
耶端莊雜流麗剛健含婀娜可以語此詩之妙

夜歸博街巷書事

近坊燈火如晝明十里東風吹市聲遠坊寂寂門盡閉
只有煙月無人行誰家小樓歌惱儂餘響縹緲縈簾櫳
苦心自古乏眞賞此恨略與吾曹同歸來空齋臥淒冷
燈前病骨嶮嶮影獨吟古調遣誰聽聊與梅花分夜永

送張野夫寺丞牧滁州

望天方憂九州裂建隆眞人仗黃鉞陣雲冷壓清流關
賊壘咿嚶氣如髮逋誅猾虜入檻車北風吹乾草頭血
一龍上天三百年舊事空聞遺老說金印斗大誰作州
公子玉面蒼髯虬賦詩健筆挾風雨論兵辯舌森戈矛
別君帳飲灞橋頭長歌爲君寬旅愁戰場遺迹儻可畫
尺素寄我關河秋

唐之子孫不能以天下取河北志士之慨於言外見之

夜歸偶懷故人獨孤景略

買酒村場半夜歸西山落月照柴扉劉琨死後無奇士
獨聽荒雞淚滿衣

觸緒長嗟言在此而意在彼十四字中波瀾甚闊賀裳詩話乃謂務觀才具無多意境不遠惟善寫眼前景物豈非但見方隅者耶

月下小酌

草樹已秋聲。郊原喜晚晴。風生雲盡散。天闊月徐行。下箸槎頭美。傳杯甕面清。追歡猶可勉。徂歲不須驚。

鄰曲有未飯被追入郭者憫然有作

春得香秔摘綠葵。縣符急急不容炊。君王日御金華殿。誰誦周家七月詩。

卷四十五

七

親民之官莫如守令。與人主共養百姓。同休戚者其惟良吏乎。漢治之稱文景。有以也。

題湖邊旗亭

春色初回杜若洲。佳人又典鷓鴣裘。八千里外狂漁父。五百年前舊酒樓。渡口遠山顰翠黛。天邊新月挂瓊鉤。回頭笑向紅塵說。也有閒愁到此不。

落筆豪俊。宋人常問人云。君詩中有幾酒樓。此亦一酒

樓也。

寓懷

脫粟未爲飢。短褐未爲寒。眾毀心自可。身困氣愈完。茆屋雖三間。跌坐則已寬。濁酒不滿瓢。浩歌有餘歡。祿食妻子樂。功名後人看。成敗兩蝸角。貴賤一鼠肝。芒芒百年夢。底物堪控搏。不如學餐霞。駐此雙頰丹。行披終南雲。飛渡黃河湍。歸然過空城。人言古長安。霜露蒙荆榛。喟然增永歎。

國恥未雪此老終身大恨固其忠義所結然言之頻數亦爲筆墨之累此乃別有波瀾言盡而意不盡

題千秋觀懷賀亭

卷四十五

七

河湟使典珥左貂。曲江相君謝不朝。宮中玉環狐作妖。黠虜旁窺心已驕。天維欲絕地軸搖。有識凜凜憂宗祧。賀公託言師松喬。黃冠徑歸侶漁樵。老馬立仗不自聊。去如鸞鳳沖煙背。傾都祖餞擁渭橋。賢哉大夫脫塵囂。揚州渡江木蘭橈。入東夜聽錢塘潮。我來故祠竹蕭蕭。黃冠野服傳生綃。詞卑媿匪英瓊瑤。空采蘋藻奠桂椒。虛堂斷香閉寂寥。遺魂零落何由招。

論古別有見解

樊江

手中一卷養魚經。又向樊江上草亭。朝雨染成新漲綠。
春煙澹盡遠山青。榜舟不厭頻來往。岸幘常須半醉醒。
賦罷新詩自高詠。滿汀鷗鷺欲忘形。

自饒雅韻

練塘

微風吹頰酒初醒。落日舟橫杜若汀。水秀山明何所似。
玉人臨鏡暈螺青。

歸次樊江

芳草東西路。綠楊長短亭。人生豈匏繫。吾志本鴻冥。征
袖朝霑雨。歸帆夜戴星。長魚幸能買。且復倒殘瓶。

卷四十五

九

泛湖至東涇

春水六七里。夕陽三四家。兒童收鵝鴨。婦女治桑麻。地
僻衣巾古。年豐笑語譁。老夫維小艇。半醉摘藤花。

村居初夏

天遣爲農老故鄉。山園三畝鏡湖傍。嫩莎經雨如秧綠。
小蝶穿花似繭黃。斗酒隻雞人笑樂。十風五雨歲豐穰。
相逢但喜桑麻長。欲話窮通已兩忘。

盧世淮曰此景真不可多得

東關

煙水蒼茫西復東。扁舟又繫柳陰中。三更酒醒殘燈在，
臥聽蕭蕭雨打篷。

七月一日夜坐舍北水涯戲作

兀傲胡牀酒半醒。釣筒收盡數舟橫。風生細葛無三伏，
月上疎林正四更。北斗離離低欲盡，明河脈脈去無聲。
斥僂豈復塵中戀，便擬騎鯨返玉京。

以事至城南書觸目

十里西風吹帽裙。江城衣杵遠猶聞。路如劍閣逢秋雨，
山似爐峰鎖暮雲。原上老翁眠犢背，籬根小婦牧羊羣。
百錢且就村場醉，舌本醇醪莫苦分。

感舊意正以不露爲佳

梅花絕句

憶昔西戍日夜宿僊人原。風吹野梅香夢繞江南村。
低空銀一鉤，粼野玉三尺。愁絕水邊花，無人問消息。

題瑩上人二畫

天地又秋風。谿山憶剡中。孤舟幸閒著，借我訪支公。

曉聽楓橋鐘暮泊松江月斯人亦可人澹墨寫愁絕

右吳江

山家暮春

遠屋清陰合綠堤綠草織起蠶初放食新麥已磨鎌苦
筍先調醬青梅小蘸鹽佳時幸無事酒盡更須添

瑣事老筆

自詠

萬事不挂眼終年常避人荒畦荷鋤晚環堵結茆新病
馬何勞斥輕鷗未肯馴雖慙市門卒聊作葛天民

卷四十五

三

蓬萊館午憩

驛門繫馬聽蟬吟翻動平生萬里心橋畔笛聲催日落
城邊草色帶煙深關河歷歷功名晚歲月悠悠老病侵
憶戍梁州如昨日憑闌西望一霑襟

盧世淮曰悲壯

夢遊散關渭水之間

平生望眼怯天涯客裏何堪度歲華但恨征輪無四角
不愁客路有三叉驛窗鐙闇傳秋杓關樹煙深宿暮鴉
叱犢老翁頭似雪羨渠生死不離家

完題簡淨

秋夜

清夜不成寐。出門還浩歌。斷雲微翳月。薄露不傾荷。絡緯知時早。梧桐柰汝何。非關老懷惡。秋物感人多。

荷花

風露青冥水面涼。旋移野艇受清香。猶嫌翠蓋紅妝句。何況人言似六郎。

隨手翻新居然佳語

秋興

卷四十五

五

老子雖貧未易量。風流猶在小茆堂。蒲萄錦覆桐孫古。鸚鵡螺斟玉滢香。干點荷聲先報雨。一林竹影剩分涼。秋來便有欣然處。新種蓴絲已滿塘。

新晴

積雨已淒冷。新晴還少和。稼收平野闊。木落遠山多。土潤朝畦菜。機鳴夜擲梭。時清年歲好。吾敢歎蹉跎。

盧世淮曰領聯自是佳句

舍北望水鄉風物戲作絕句

西風沙際矯輕鷗。落日橋邊繫釣舟。乞與畫工團扇本。

青林紅樹一川秋

禹跡寺南有沈氏小園四十年前嘗題小園壁閒
偶復一到而園已易主刻小閣於石讀之悵然

楓葉初丹。柳葉黃。河陽愁鬢怯新霜。林亭感舊空回首。
泉路憑誰說。斷腸。壞壁醉題塵漠漠。斷雲幽夢。事茫茫。
年來妄念消除盡。回向禪龕。一炷香。

周密曰放翁娶唐氏於其母爲姑姪而不相得出之
後改適趙士程嘗以春日出遊相遇於禹跡寺南之
沈氏園唐以語趙遣致酒肴翁悵然久之爲賦釵頭

卷四十五

三

鳳詞題園壁閒集中紅酥手黃藤酒一闋是也唐氏
見而和之未幾下世

小園

窄窄柴門短短籬。山家隨分有園池。客因問字來攜酒。
僧趁分題就賦詩。晨露每看花藹坼。夕陽頻見樹陰移。
原注此二事非閒寂不知也。拂衣司諫猶忙在此。趣淵明卻少知。
盧世淮曰閒情逸事惟世人知之。

夜讀范至能攬轡錄言中原父老見使者多揮涕
感其事作絕句

公卿有黨排宗澤。帷幄無人用岳飛。遺老不應知此恨。亦逢漢節解沾衣。

南渡之不振實由於此扼腕而言自成高調

醉臥松下短歌

披鹿裘。枕白石。醉臥松陰當月夕。寒藤天矯學草書。天風蕭森入詩律。忽然夢上百尺顛。綠毛邂逅巢雲仙。相攜大笑咸陽市。俯仰塵世三千年。

造語入妙

探梅

卷四十五

五

我遊東村衝暮煙。斷橋流水鳴濺濺。欲尋梅花作一笑。數枝忽到拄杖邊。高標元合著山澤。絕豔豈復施丹鉛。定知曾授餐玉法。不爾恐是凌波仙。錦江賦詩忽萬里。蓬山把酒今三年。相逢風味宛如昨。人生何者非前緣。頗思取醉極清賞。杖頭幸有百許錢。但判插破烏紗帽。莫記吹落黃金船。

趣極自然調亦清婉

題四仙像

原注薊子訓

世上年光東逝波。咸陽銅狄幾摩挲。神仙不死成何事。

只向秋風感慨多。

冬晴閒步東村由故塘還舍作

紅藤拄杖獨相羊。路遶東村小嶺傍。水落枯萍粘蟹椴。
原注鄉人植竹以取蟹謂之曰椴。雲開寒日上魚梁。洛陽二頃言良是。

光範三書計本狂。歷盡危機識天意。要令閒健返耕桑。

方回曰五六善用事蟹椴句尤新

盧世准曰瑣事寫來亦新緻

祖應世曰一路細細領略淺躁人安能有此

夜聞湖中漁歌

御選唐宋詩歸

卷四十五

五

夢回一鐙翳復明。臥聞湖上漁歌聲。嗚嗚乍低忽更起。
嫋嫋欲斷還微縈。初隨缺月墮煙浦。已和殘角吹江城。
悲傷似擊漸離箎。忠憤如撫桓伊箏。放臣萬里憂國淚。
戍客白首懷鄉情。峽猿失侶方獨宿。沙雁垂翅猶遐征。
巴巫竹枝短亭晚。瀟湘款乃孤舟橫。世間此恨故相似。
使我百感何由平。

一氣排宕有風雨驟至之勢只用一語收結老氣無敵

村夜

寂寂山村夜。悠然醉倚門。月昏天有暈。風軟水無痕。迹

爲遭讒遠身由不仕尊敢嗟車馬絕同社自雞豚
潘問奇曰風軟水無痕未經人道

野意

隄長逾十里村小只三家山客弛樵擔溪翁鳴釣車花
深迷蝶夢雨急散蜂衙衰疾新年減青鞵上若耶

憶昔

憶昔西征日飛騰尙少年軍書插鳥羽戍壘候狼煙渭
水秋風夜岐山曉雪天金鞵馳叱撥繡袂舞嬋娟但恨
功名晚寧知老病纏虎頭空有相麟閣竟無緣壯士埋

御選唐宋詩

卷四十五

美

巴峽

原注獨孤策

孤身臥海壖安西九千里孫武十三篇裴

嘆蘇秦弊鞭憂祖述先何時聞詔下遣將入幽燕

筆力健舉

感懷

卜居鏡湖上一庵環翠屏竹林藏袷衲嶺路蟠青冥
騰立奇石嶄絕瞻危亭車馬雖掃迹猿鳥與忘形我行
半九州踴盡芒屨青豈知雪滿鬢於茲做雲局丹砂收
箭鏃茯苓斲人形遼天渺歸鶴一瞬三千齡

殘年迫衰謝嬰疾歸鄉枌諸賢渡江初總角幸有聞才

非楚倚相亦能讀典墳夫豈或使之後死與斯文世儒
鑿戶牖道術將瓜分孤陋守一說百氏殆可焚後來豈
無人鼻聖誰揮斤巍巍貞觀治房魏出河汾

文集答劉主簿書前輩之學積小以成大以所有易
所無以能問於不能故其久也汪洋浩博該極百家
而不可涯涘諸名勝渡江去前輩尙未甚遠故此風
猶不墜三二十年來士自爲畦畛甚狹已所未知者
輒訕薄之以爲不足學詆窮經者則曰傳注已盡矣
詆博學者則曰不知無害爲君子嗚呼陋哉

